

雜病源流犀燭

沈氏尊生書卷九

雜病源流犀燭 臟腑門

遺洩源流

沈金鰲撰

遺洩腎虛有火病也。腎元虛。虛火流行。以致精海脫滑。遺於夜而不遺于晝者。晝陽夜陰。惟陰虛。故遺於陰分也。晝亦有遺者。陽亦虛也。求其所屬。則由心。肝腎之火相挾而成。蓋心藏神。肝藏魂。腎藏精。夢中所主之心。即心之神也。夢中所見之形。即肝之魂也。夢中所洩之精。即腎之精也。要之心為君。肝腎為相。未有君火動而相火不隨之者。故寐時神遊于外。欲為雲雨。則魂化為形。從而行焉。精亦不容不洩矣。治法當先治其心火。而後及其餘。

宜黃連清心飲茯神湯加此遺洩之大旨也。而其寔五臟皆能致病。五臟所致之病亦各有異。如心病而遺。必血脉空虛。本縱不收。肺病而遺。必皮革毛

焦喘急不利。脾病而遺。必色黃內消。四肢倦怠。腎病而遺。必色黑

髓空。肝病而遺。必色青筋痿。各有所見之症。叅以六脉。自然無誤。

至於病之所因。更可歷舉。有因思想無窮。神氣浮游者。宜硃砂龍骨磁石鎮

之。有因思久成痰。迷于心竅者。宜猪苓丸。有因思想傷陰者。宜大風有

因思想傷陽者。宜鹿茸益精丸。有陰陽俱虛者。宜茯神遠志丸。有因用心過度者。

宜遠志蓮肉龍齒茯神山藥。有因思慾不遂者。宜妙香散。有因色慾過度。下元虛憊。

滑泄不禁者。宜六味丸加鹿茸牡蠣肉蓯蓉龍齒五味兔絲子。有因壯年盛滿流溢者。宜生

地黃柏知母蓮子黃連茯神石菖遠志。有因脾胃濕熱。氣化不清。而分注膀胱者。亦

混濁稠厚。陰火一動。精隨而出。此則不待夢而自遺者。宜二陳湯加二木知

柏。有因飲酒厚味太過。痰火為殃者。宜二陳湯加二木升柴。有因經絡熱而

得之。至夜必脊心熱而遺者。宜猪苓丸清心飲。有因真有鬼魅相感者。由

正氣本虛。慾心妄動之故。脉息必乍大乍小。乍有乍無。或兩手如

出兩人或寸尺各為一等。或綿綿無度數。而顏色不變。宜人參茯

養其正生地當歸棗仁以安其神。殊砂雄黃沉香麝香安息香鬼箭羽虎頭骨以辟其邪。移房于向陽處。令多人伴之。此為正治。

以上種種所因。既各不同。其為遺為洩亦異。或小便後出多不可

禁。或不小便而自出。或莖中疼痛。常如欲小便狀。或夢與女交。皆

當分別施治。大約陽虛者急補氣。宜增損樂令湯。鹿茸大補湯。陰虛者急益精。

宜大補陰丸。大造丸。補天大造丸。陽強者急泄火而已。宜補陰瀉火湯。至仲景治

手足煩熱。咽乾口燥。或悸衄而遺者。此陽上升而不降。陰獨居內

而為夢失。用小建中湯和之。此世俗所不易知也。總而言之。大凡

精滑易洩。宜澀之。澀之無功。當瀉心火。清理之。而又無功。宜以補

中益氣為主。兼用升柴。羌獨以升舉之。甘草棗肉以緩之。山黃五

味烏梅棗仁以收之。

脉法 脉訣曰。遺精白濁。當驗于尺。結扎動緊。二症之的。正

傳曰兩尺洪數必便濁遺精。

遺泄屬心。丹溪曰主閉藏者腎主疏洩者肝二臟皆有相火而其系上屬于心。心君火也。爲物感則動。心動則火亦動。動則精自走。雖不交會亦暗流而疎泄矣。直指曰精之主宰在心。精之藏制在腎。心腎氣虛不能管攝。因小便而出者曰尿精。因見聞而出者曰漏精。入門曰初因君火不寧久則相火擅權。精元一於走而不固。甚則夜失連連日亦滑流不已。黃連清心飲治之。千金曰邪客于心神不守舍。故心有所感。夢而後泄也。

遺泄屬鬱。

綱目曰夢遺屬鬱滯者居大半。若但用瀉劑固脫。

必愈澀而愈鬱。其病反甚。必先以神芎丸或沉香和中丸大下之。然後以加減八味湯吞滋腎丸百丸自愈。或以導赤散煎服。

之亦可。

遺洩導引 保生秘要曰。用出頭葫蘆一个。口上安帶得法。套行具而如意。睡法。如陽物每夜覺起時。勿失其候。急起。煖衣。提運三十六足數。運胸散四肢。照此勤心行之。永無患矣。

運功 保生秘要曰。常要守靜。存心念臍。勿令弛放。後意想一條水下膀胱。繚尾閭。分行二路上。兩腎分左右運收。臍輪臨卧時。摩擦足心及腎俞穴。曲一足而側卧。精自固矣。

治遺泄方二十三

茯神湯

總治 茯神 遠志 杏仁 人參 菖蒲
茯苓 黃連 生地 當歸 甘草 蓮子
痰迷 半夏一兩 猪苓一兩同炒黃色而退
去火氣。单取半夏糊。凡候乾。另用猪苓一兩。全炒微裂。鹽湯下。

猪苓丸

大鳳髓丹

傷陰 川柏二兩 砂仁一兩 炙草五錢
半夏 猪苓 茯苓 蓮鬚 益智仁 各二錢

遺洩方

卷九

半 艾寔糊丸

鹿茸益精丸

傷陽 鹿茸 茯苓 桑螵蛸 巴戟肉 杜仲 兔絲子 益智仁 禹餘糧 川練子 當歸各二兩 韭子 補骨脂 山萸 赤石脂 龍骨各五錢 乳香 酒煮糯米糊丸食前 茯苓湯下五七十九丸

茯苓遠志丸

兩虛 人參 龍齒 茯神 遠志 菖蒲 知母 黃柏 山藥 茯苓 遠志 黃芪各一兩

妙香散

思慾 山藥 茯神 遠志 黃芪各一兩 人參 炙草 桔梗各五錢 木香二錢半 硃砂三錢 麝香一錢 鎔黃蠟四兩 茯苓四兩 兩作塊全煎

六味丸

色慾 熟地 山藥 山萸 丹皮 茯苓 澤瀉 陳皮 半夏 茯苓 甘草 濕痰

二陳湯

小建中湯

仲景法 白芍二錢 桂枝 生姜 甘草 饴糖各一錢

補中益氣湯

總治 人參 黃芪 當歸 白朮 陳皮 甘草 升麻 柴胡

黃連清心飲

精神 黃連 生地 甘草 當歸 人參 遠志 蓮子

神芎丸

舊帶

沉香和中丸

又黑牽牛頭末二兩三錢 滑石二兩 大黃一兩二錢 木香 黃芩 檳榔 枳殼 青礞石 青皮 陳皮各五錢 沉香二錢 水丸茶清下

加減八味湯

又熟地二錢 山萸 山藥各一錢 酒澤瀉 茯苓 丹皮各八分 五味子錢半 肉桂五分 此方用蜜丸各加減八味丸

滋腎丸

又黃柏 知母並酒炒各一兩 肉桂五分 水丸空心下 一名泄腎丸 又生地 木通 甘草各一錢 竹葉七片

增損樂令湯

陽虛 半夏錢半 人參 黃芪 陳皮 茯苓 當歸 肉桂 細辛 前胡 麥冬 白芍 甘草各七分 附子 熟地各三分半 遠志二分 姜三 棗二

鹿茸大補湯

又肉苁蓉 杜仲各一錢 白芍 白朮 附子 肉桂 人參 五味子 金石斛 半夏 鹿茸 黃芪 茯苓 當歸 熟地 夏各七分 甘草二分半 姜三 棗二 地各五分 猪脊髓和煉蜜丸 此方乃降陰

大補陰丸

陰虛 酒黃柏 酒知母各四兩 熟地 板各六兩 猪脊髓和煉蜜丸 此方乃降陰

遺精方

卷九

四

火滋腎水之要藥

大造丸

又紫河車一具如法洗淨盛竹器長流水中浸一刻以回生氣盛小瓦盆于木甕或瓦甕內蒸極熟如糊先傾取自熟汁將河車于石臼中搗干下同汁和勻生地四兩 龜板 杜仲 天冬 黃柏各兩半 牛膝 麥冬 歸身 各兩二錢 人參一兩 五味子五錢 河車泥加米糊丸監酒温酒任下日再服

補天大造丸

又河車一具照前法製 熟地 酒當歸 酒茴香 酒黃柏 白米各二兩 生地酒炒 酒牛膝 天冬 麥冬 杜仲各兩半 五味子 杞子各七錢 陳皮 乾姜各二錢 側柏葉向東枝者焙二兩 河車泥丸米飲温酒任下百丸日再服 熬按前大造丸能治六脉虛微血氣衰弱乃滋陰補陽之聖藥也此補天大造丸專能壯元陽滋腎水有天地交泰之妙如房室過度五心煩熱者服之神效雖至虛癆亦宜久久服之并能延年益壽

補陰瀉火湯

陽強 白芍 白朮 當歸各一錢三分 熟地 川芎 蜜知母 天冬各一錢 蜜炒黃

氣寔則滯而不通。臍下妨悶而痛也。宜沉香散或由氣虛急須補

益。宜八珍湯倍茯苓加牛膝杜仲膏淋者似淋非淋小便如米泔如鼻涕此精溺

俱出精塞溺道故欲出不快而痛也。宜鹿角霜丸沉香丸大沉香散海金沙散冷淋者

必先寒戰小便澀數。竅中腫痛。蓋冷氣與正氣交爭。冷氣勝則寒

戰成淋。正氣勝則寒戰解而得便也。大約多由腎虛。宜金匱腎氣丸肉蓯蓉丸

沙淋者。莖中有沙澁痛。尿卒不易出。有細沙沉在缸底。乃膀胱陰

火煎熬。津液凝結也。輕則為沙。重則為石。宜二神丸以上諸症治法悉

本古人最為不易。此外又有過服金石入房太甚。敗精強閉。流入

胞中而成淋病者。宜海金沙散又有濕痰日久。汪滲而成淋病者。宜滲湯

加。又有淋而小腹脹甚者。宜瀉腎湯又有婦人產後成諸淋者。宜白茅湯

膏石淋。皆當分治。另有一症。名胞痺。風寒濕邪客胞中。氣不能化

出。故胞滿而水道不通。小腹膀胱皆痛。且痛而澀於小便也。詳在

膀胱篇濁病之原大抵由精敗而腐者居半由濕熱流注者居半

其症莖中皆如刀割火灼而濁白清利惟竅端時有穢物如米泔

如粉糊如瘡膿如目眵淋瀝不斷與便濁毫不相混故曰是精病

非溺病也而臟腑所主則各有異大約血虛而熱甚者為赤濁此

屬火心與小腸主病氣虛而熱微者為白濁此屬金肺與大腸主

病其致濁之由有因思慮過度心虛有熱者宜地骨皮湯金蓮丸辰砂妙香散有

由心經伏暑者宜四苓散加香茹麥冬人參蓮肉以上皆赤濁症所由有因嗜慾

過度腎虛有寒者宜清心蓮子飲有因脾精不斂者宜蒼朮難名丹有因濕痰流

注者宜蒼朮二陳湯有因腎虛下陷者宜補中益氣湯有小便如常少頃即澄濁

物或如米泔色者宜草薢分清飲有稠粘如膏莖中澀痛為精塞竅道而

非熱淋者宜加味清心飲有莖中不痛脉來無力為下元虛冷者宜鹿茸補遺丸

有莖中大痛便赤口渴脉來滑數者宜二苓清利飲有挾寒者小便必清

白。宜草薺分清飲
內補鹿茸丸

有挾熱者。便必黃赤。

宜清心蓮子
飲香苓散

以上皆白濁

症。所因有赤白濁。小腹痛不可忍者。當作寒治。

宜東垣酒
煮當歸丸

脉法

脉訣曰。遺精白濁。當驗於尺。結乳動緊。二症之的。又曰。

便血則乳數則赤黃。是脉瘵閉。熱在膀胱。正傳曰。兩尺洪數。

必便濁遺精。脉經曰。淋脉盛大而寔者生。虛細而澁者死。

醫鑑曰。淋病之脉。細數何妨。少陰微者。氣閉膀胱。女人見之。陰

中生瘡。大寔易愈。細澁則亡。

淋病原由症治。丹溪曰。淋症所感不一。或由房勞。陰虛火動。

也。或由忿怒。氣動火生也。或由醇酒厚味。釀成濕熱也。積熱既

久。熱結下焦。所以淋瀝作痛。初則熱淋血淋。久則煎熬水液稠

濁。如膏如沙如石也。夫散熱利小便。只治熱淋血淋而已。其膏

沙石淋。必須開鬱行氣。破血滋陰方可也。古方用琥珀鬱金開

鬱也。木香、青皮行氣也。蒲黃、牛膝破血也。黃柏、生地滋陰也。東垣治小腹痛，用黃柏、青皮。夫青皮疏肝，黃柏滋腎，小腹乃肝腎部位也。

濁病原由症治。得效曰：先正有言，夏則土燥而水濁，冬則土堅而水清，此其理也。水火既濟，則土自堅，其流清矣。小便白濁，蓋脾有虛熱而腎不足，土邪于水也。入門曰：赤白濁皆因脾胃濕熱，中焦不清，濁氣滲入膀胱也。丹溪曰：小便濁主濕熱，有痰有虛，赤屬血，白屬氣，與痢疾帶下同治。又曰：凡便濁治法，大概宜燥濕降火，兼升舉之。如二陳湯加二朮、升柴、白芍。醫旨曰：赤白濁，肥人多濕痰，瘦人多虛火。又曰：凡便濁必兼服加減珍珠粉丸。回春曰：赤白濁其狀漩面如油，光彩不定，漩脚澄下，凝如膏糊，或如米泔赤膿，皆濕熱所傷也。

淋濁導引 保生秘要曰於腎俞照海氣海拍之九九擦亦九九兼用後功。

運功 保生秘要曰用雙手抱兩膝吹吸念臍下縷尾間升氣降回吸而咽之。

尿血溺數病也。其原由于腎虛。非若血淋之由于濕熱。其分辨處。則以痛不痛爲斷。蓋痛則血淋。不痛則爲尿血也。而以尿血亦爲有火者非。宜太極丸無比山藥元

尿血分辨 直指曰大凡小腸有氣則小便脹小腸有血則小便澀小腸有熱則小便痛痛者血淋不痛者尿血。

白淫熱鬱病也。一名蠱。內經曰脾傳之腎病名曰疝瘕。小腹冤熱而痛。出白一名曰蠱。註云腎脈貫脊屬腎絡膀胱。故小腹冤然而痛。洩出白液也。据此則脾受風邪而傳于腎。風能煽熱。故邪熱內

結真精不守。而白物游淫而出。此所以名白淫。又邪熱既結。則火能消樂脂肉。如蚕之蝕物然。此所以又名蠱病白淫也。經又曰。思想無窮。所願不得。意淫于外。入房太甚。宗筋弛縱。發為筋痿。及為白淫。據此。則為淫慾過度。腎傷所致。即子和所謂莖中作痛。痛極則痒。或陰莖挺縱不收。或出白物如精。隨洩而下。得之于房勞。及邪術者是也。治以降心火為要。宜半苓丸清心蓮子飲此外又有精傷白濁。亦名白度。蓋由房失節。以致傷精流出一似白濁。宜清心蓮子飲甚且小便中推出髓條也。宜治小便白濁出髓條方凡諸白淫。總治宜金箔丸白龍丸非皆精竅病乎。故附于此。

白淫所屬。戴人曰。遺尿閉癰。陰痿疔痺。精滑白淫。皆男子之疝也。血涸不月。腰膝上熱。足蹇盪乾閉癰。小腹有塊。或定或移。前陰突出。後陰痔核。皆女子之疝也。但女子不謂之疝。而謂之

痕也。熬按尿血淋病之屬。白淫弱病之屬。不得相混。

治淋病方二十六

神效琥珀散

石淋 琥珀 桂心 滑石 大黃 鳳粉
磁石 木通 木香 冬葵子 等分爲末
二錢燈心葱白湯下

如聖散

又 馬蘭花 白茅根 甜葶藶 車前子
陵冬 檀香 連喬 等分 渴加黃芩

補中益氣湯

勞淋 人參 黃芪 歸身 白木 升麻
柴胡 陳皮 甘草 豬苓 茯苓 白木 澤瀉

五苓散

歸脾湯

又 圓眼肉 黃芪 白木 棗仁 扶神各
一兩 木香五錢 炙草二錢半 咀片每用
五錢煎加姜棗

生地黄丸

又 生地 黃芪各兩半 防風 鹿茸 扶
神 遠志 瓜蒌仁 黃芩各一兩 人參一
兩 二錢半 當歸五錢 赤芍 蒲黃 戎鹽
各七錢半 炙草七錢 車前子 滑石末各
二兩 蜜丸

益元固本湯

又甘草梢二錢 山藥 澤瀉各錢半
參 茯苓 蓮鬚 巴戟 升麻 益智仁
酒黃柏各一錢

黃芪湯

又人參 黃芪 茯苓 磁石 旱蓮草
五味子 滑石末各一兩 桑皮七錢半 枳
壳 黃芩各五錢

四物湯

血淋 川芎 當歸 白芍 地黃

六味丸

又地黃 山藥 山萸 丹皮 澤瀉 茯
苓 人參 茯苓 白朮 甘草 川芎 當

八珍湯

又人參 茯苓 白朮 甘草 川芎 當
歸 白芍 生地 滑石

益元散

又甘草 滑石

柿蒂湯

又柿蒂 黃柏 黃連 生地 側柏葉
丹皮 白芍 木通 茯苓 澤瀉

金匱腎氣丸

又熟地 山萸 丹皮 茯苓 澤瀉
冷淋 附子 肉桂 牛膝 車前子 茯苓
澤瀉

沉香散

又沉香 石葦 滑石 當歸 瞿麥
赤芍 白朮 甘草 冬葵子 王不留行
木通 大黃 黃連 桔梗

瞿麥湯

又瞿麥 木通 大黃 黃連 桔梗
當歸 枳壳 羌活 肉桂 射干 腹皮

延胡索 牽牛子

鹿角霜丸

膏淋 鹿角霜 茯苓 秋石 糊丸

大沉香散

又 沉香 陳皮 黃芪 榆白皮 韭子
瞿麥 滑石 黃芩 甘草

沉香丸

又 磁石 肉蓯蓉 沉香 滑石 荆芥 黃芪

海金沙丸

又 海金沙 滑石各一兩 甘草二錢半
海末二錢 麥冬 鹽心湯下

肉蓯蓉丸

解 官桂 枳榔 甘草 附子 細辛 黃
芩 黃連

二神散

沙石 海金沙七錢半 滑石五錢 共為末
每二錢入蜜少許以木通麥冬車前子湯下

琥珀散

又 琥珀 滑石各二錢 木通 木香 薑
金 常歸 扁畜各一錢 共為末每三錢竹

葉湯下 蘆葉湯更妙

滲濕湯

濕痰 蒼朮 白朮 茯苓 猪苓 陳皮
澤瀉 川芎 香附 厚朴 砂仁 甘草
生姜 燈心

瀉腎湯

腹滿 大黃三錢 切片水浸一宿 磁石六分
分 芒硝 赤苓 黃芩各六分 甘草四分
煎至半入大黃煎好去渣入硝攪勻空心服
產後 白茅根五錢 瞿麥 茯苓各錢半
冬葵子 人參各錢二分半 蒲黃 桃膠
滑石各七分 甘草五分 紫貝二个 煨
魚牙四个 煨 分二帖加姜三片燈心二十莖
煎服或為末木通湯下二錢

白茅湯

治濁病方十六

地骨皮湯

心虛熱 生地 麥冬 黃芪 山藥 五味子
地骨皮 淡竹葉 伏暑 茯苓 猪苓 白朮 澤瀉

四苓散

金蓮丸

思慮 石蓮肉 茯苓 龍骨 天冬 柏子仁
麥冬 當歸 棗仁 遠志 紫石英 乳香
龍齒 等分蜜丸珠砂為衣

辰砂妙香散

又 山藥 茯苓 茯神 黃芪 姜遠志各一兩
人參 桂梗 甘草各五錢 珠砂三錢
木香二錢半 麝香一錢 每末二錢蓮肉湯下

蒼木難名丹

開不斂 製蒼木四兩 川烏 金鈴子 茵香各七錢半 破故紙 茯苓 龍骨各一兩 酒糊丸 殊砂為衣

東垣當歸丸 小腹痛

清心蓮子飲

腎虛寒 黃芪 麥冬 甘草 車前子 地骨皮 蓮肉 茯苓 人參 黃芩 遠志 菖蒲

蒼木二陳湯

濕痰 蒼木 白木 茯苓 陳皮 甘草 半夏

補中益氣湯

腎虛陷 人參 黃芪 歸身 白木 陳皮 甘草 升麻 柴胡

草薺分清飲

加茯苓 草薺 烏藥 菖蒲 益智仁 一方 加茯苓 甘草 入鹽少許

加味清心飲

草薺 石蓮 茯苓 菖蒲 人參 遠志 車前子 麥冬 白木 益智仁 澤瀉 甘草 有熱加薄荷少許

鹿茸補腦丸

下虛冷 人參 黃芪 兔絲子 桑螵蛸 蓮肉 茯苓 肉桂 山藥 附子 鹿茸 桑皮 龍骨 補骨脂 五味子

二苓清利飲 莖痛 生地 麥冬 茯苓 牡蠣 澤瀉
甘草 猪苓 黃芩 黃柏 車前子 肉苁蓉
枳實 鹿茸 刺蒺藜 沙蒺藜 肉苁蓉
兔絲子 蛇床子 桑螵蛸 陽起石 肉桂
心 嫩黃芪 炮附子 紫苑

內補鹿茸丸 心 嫩黃芪 炮附子 紫苑

揆熱 茯苓 茯神 遠志 山藥 人參
黃芪 桔梗 甘草 木香 白木 殊砂
麝香 猪苓 澤瀉 肉桂

香苓散 揆熱 茯苓 茯神 遠志 山藥 人參
黃芪 桔梗 甘草 木香 白木 殊砂
麝香 猪苓 澤瀉 肉桂

加減珍珠粉丸 通治 黃柏 牛生 牛炒 蛤粉 各三兩 滑石
二兩 樗皮 一兩 青黛 乾姜 各五錢 炒
神曲 打糊 丸空 心酒 下五七十九
黃柏 降陰 火除 濕熱 蛤粉 鹹補 腎滑 石利 竅擣
皮大 燥熱 青黛 解鬱 火乾 姜斂 肺氣 下降 生
陰血 監沙 微黑 用之

治尿血諸藥要品及方二

總治尿血藥 阿膠 茅根 地黃 床子 戎監 蒲黃
牛膝 人乳 菴苳 胡麻 杜仲 川斷
天冬 麥冬 五味 山萸 山藥 丹皮
車前 知母 黃柏 龍甲 青蒿 白芷
人參 當歸 苧根 鹿茸 荷葉 烏梅
鶴金 香附 地榆 韭子 澤瀉 棕灰

總治尿血藥 阿膠 茅根 地黃 床子 戎監 蒲黃
牛膝 人乳 菴苳 胡麻 杜仲 川斷
天冬 麥冬 五味 山萸 山藥 丹皮
車前 知母 黃柏 龍甲 青蒿 白芷
人參 當歸 苧根 鹿茸 荷葉 烏梅
鶴金 香附 地榆 韭子 澤瀉 棕灰

阿膠 茅根 地黃 床子 戎監 蒲黃
牛膝 人乳 菴苳 胡麻 杜仲 川斷
天冬 麥冬 五味 山萸 山藥 丹皮
車前 知母 黃柏 龍甲 青蒿 白芷
人參 當歸 苧根 鹿茸 荷葉 烏梅
鶴金 香附 地榆 韭子 澤瀉 棕灰

竹茹 琥珀 山梔 槐花 乳香 荊刺
 陳墨 側柏葉 延胡索 兔絲子 旱蓮草
 龍胆草 鹿角膠 鹿角霜 毛鹿角 杞
 子 沙苑子 柏子仁 地骨皮 益母草
 淡豆豉 專治小便血條

太極丸

總治 黃柏二兩六錢 屬木 知母一兩四錢
 屬水 補骨脂二兩八錢 屬火 胡桃肉一兩
 二錢 屬金 砂仁五錢 屬土 蜜丸空心鹽湯
 下三五十丸

無比山藥元

又 五味子六兩 肉蓯蓉四兩 兔絲子
 杜仲各三兩 山藥二兩 赤石脂 茯神
 山萸 巴戟 牛膝 澤瀉 熟地各一兩
 蜜丸酒或米湯下

治白淫諸藥要品及方六

房勞過度

鹿茸 附子 官桂 紫苑 地黃 黃芪
 杞子 牛膝 杜仲 川斷 山萸 天冬
 麥冬 山藥 丹皮 知母 黃柏 車前
 兔絲子 蛇床子 刺蒺藜 沙苑子 桑螵
 蛸 肉蓯蓉 陽起石 五味子 地骨皮

思想無窮

黃連 麥冬 茯苓 遠志 石蓮 當歸
 龍骨 棗仁 龍齒 天冬 乳香 茯神

腎 尿血方 白淫方

卷九

三

兔絲子 柏子仁 紫石英

肉蓯蓉丸

龍骨 當歸 茯苓 黃芪 澤瀉 牡蠣

半苓丸

腎傷 牛夏一兩破如豆大 猪苓末二兩先

將一牛炒半夏令色黃不令焦出火毒只取半

清心蓮子飲

夏為末糊丸候乾更用前猪苓末一半全炒微

裂入砂瓶養之空心酒鹽湯任下三五十九

精傷 黃芪 麥冬 甘草 車前子 地骨

白濁髓條方

髓條 棗仁 白朮 人參 茯苓 茴香

補骨脂 益智仁 煨牡蠣 等分青鹽酒糊

金箔丸

總治 晚蚕蛾沙 補骨脂 韭子 酒浸牛

膝 酒浸肉蓯蓉 酒炙桑螵蛸 酒浸兔絲

白龍丸

子 山萸 龍骨各一兩 蜜丸空心酒下三

又 鹿角霜 牡蠣各二兩 生龍骨一兩

酒糊丸空心酒或鹽湯下三十九 此方不但

諸厥源流

沈金鰲撰

諸厥真元虛病也。手足逆冷為厥。經曰：陽氣衰于下，則為寒厥；四肢逆冷，身冷面青，踈臥，手指甲青暗，腹痛，不渴，小便自利，大便溏，完穀不化，不省人事，脈微遲，陰氣衰於下，則為熱厥。四肢厥逆，身熱面赤，唇燥口乾，舌苦目閉，或不閉，煩渴，小便短濇，大便燥結，不省人事，脈滑數。夫寒厥者，即陰厥，宜急補陽。宜理中湯或附桂乾姜吳萸俱可酌用。熱厥者，即陽厥，宜急補陰。宜芩連山梔石膏知母童便甚者可用硝黃下之。蓋以人之陰陽元氣皆起于下，故少陰之上名為太陽，以真陽之主本于陰也。太衝之地名曰少陰，以真陰之歸根在腎也。夫陽氣自上而下，今衰於下，是不下矣。是寒獨勝也。陰氣自下而上，今衰於下，是不上矣。是陽獨勝也。乃陽勝而必起于下者，足五指之表為三陽之所起，而足下足心又為三陰之所聚，足心又少陰腎之湧泉，陰氣既

衰而陽勝陽乘陰位故熱厥必從足下也故凡人病陰虛者足心必熱也寒厥起于足下又必從五指而上於膝者以陰氣起于五指之裏集於膝下而聚於膝上陽氣衰則陰氣勝陽不勝陰其厥反從陽分而上故必起於五指而上寒至膝然寒非外入而出內生故凡病陽虛者手足必多寒皆自指端始故二厥之成皆以陰虛逆寒厥之由必其人壯秋冬奪于所用既于陰盛時多慾不休以奪腎中精氣則精虛于下其氣取足于上是以下氣上爭下而不上故不能復陽氣于是氣去則陽虛寒氣因而上逆又以精虛無火不能固脾元而氣衰于中中氣不能滲榮其經絡于是陽氣日損陰氣獨存手足爲之寒也潮熱厥之由必酒入胃而傷脾陰至陽氣入而精氣竭不能榮其四肢又數醉飽入房使氣聚脾中不得散酒氣穀氣相搏熱盛於中故熱偏于身內熱而潮赤也要

此二厥惟傷真元。乃有是病。後人不明。但以手足寒。或以脚氣爲厥。反以此二症。謬爲中風。夫風病多經絡受傷。厥病由真精內奪。如指厥爲風。因以風治厥。亦大謬矣。夫厥逆分陰陽。皆內經之精旨。余旣詳論之。如右。而陰陽不從。則氣逆而上。凡十二經寒熱之厥。亦可據經以析其義也。經曰。太陽之厥。腫首頭重。足不能行。發爲胸仆。蓋以太陽根起少陰。其氣得陰。故下行於足。虛則逆上而上盛。故腫首頭重。逆上則不能下行。故不能行而胸仆也。又曰。陽明之厥。癩疾欲走。呼腹滿不得卧。面赤而熱。妄言妄見。蓋以陽明本氣盛。血多。今氣勝其血。則陽邪寔而神明亂。故癩欲走。呼氣盛不行在腹。故腹滿。胃逆。故不得卧。陽明脉在面。故赤熱。神明亂極。故妄言見也。又曰。少陽之厥。暴聾。頰赤。脇痛。筋不可以運。蓋以少陽與厥陰並行而起于下。故經和而無病。今相火上炎而無陰。其

脉入耳下頰車故聾而腫爲火壅也脇痛其部氣逆不和胘不運少陽氣不能及下也又曰太陰之厥腹滿膜脹後不利不欲食食則嘔不得卧蓋以陰爲陽根陽爲陰使三陰不副陽則三陽厥三陽不爲陰使則三陰亦厥太陰雖陰盛常秉少陽之氣以爲和故無病今太陰獨陰無陽不能下行且逆上脾既不運胃氣亦阻故滿而脹不能行氣于三陰則腎氣亦不效用故不利不食中氣壅也食則嘔氣壅愈逆也不得卧胃不和也又曰少陰之厥口乾溺赤腹滿心痛蓋以少陰兼水火陰陽二氣若失所涵蓄其氣必偏發而上故少陰恒兼寒熱二厥且又爲十二經厥逆之主也今此厥陰虛火厥也本脉循喉嚨絡膀胱故口乾溺赤不爲胃關而上行故腹痛不貢精于心而反上乘心故心痛經又言少陰不至者厥不至亦兼水火也又曰厥陰之厥少腹腫痛腹脹溼漉不利好

卧屈膝陰縮腫。肝內熱。蓋以厥陰本陰絕不絕者爲陽生也。今虛而爲純陰。則無氣。是以當其部位腫痛而脹。純陰結而不舒。則下焦氣不化。故溼漉不利。肝主筋。筋無氣。故好卧而屈膝。脈環陰器。故陰縮腫。當所過脈不行。故肝內執鬱則熱也。又曰。手太陽厥逆。虛滿而欬。善嘔沫。蓋以肺爲元氣之主。虛則不能治節。而氣上逆。故欬。虛滿者。上焦之滿。虛而無寔也。滿則欬矣。本脈循中焦。胃口逆。則精不能散。故嘔沫也。又曰。手少陰厥陰厥逆。心痛引喉。身熱。死不可治。二經屬火。皆神明之治也。其主血脉。而俱厥。則陰精無以承陽矣。陽獨亢則自焚。故心痛。其系上挾喉。故引喉。身熱者。血脉贖張也。心爲臟腑之大主。逆之故死也。又曰。手太陽厥逆。耳聾泣出。項不可以顧。腰不可以俯仰。蓋以小腸爲心之下流。屬帶脉之間。其氣逆。必使其經俱逆。本脉入耳。至目內外皆。故耳聾泣出。

從缺盆循頸。故項強。小腸連挈屬脊。故腰痛也。又曰。手陽明少陽厥逆。發喉痺。嗑腫。瘰。蓋以手陽明大腸爲胃下流。手少陽三焦爲胃孔道。其氣皆逆。必從其經上逆。大腸脉上頸貫頰。三焦脉出缺盆上項。故皆發喉痺。嗑腫。曰瘰者。手臂肩背強直也。以上十二經之厥。亦內經之要旨也。然而內經言厥。更豈止是哉。又曰。有厥逆而病在太陰。盛在胃。顛在肺者。太陰脉細如髮。而身熱如炭。頸膺如格。人迎躁盛。喘息氣逆。一日數十洩。其爲病死不治。蓋以脉如髮。又多洩。必臟氣不足。中氣不攝。故洩爲之變也。乃熱留在胃。陽明方盛。見于人迎。身膺則如炭。如格。此陽不入陰。故盛在胃。陽不入陰。故太陰細微。喘息氣逆。顛在肺也。欲瀉邪。則陰虛于裏。欲補虛。又陽寔于外。所謂不表不裏。陽症陰脉之類也。安得不死。又曰。厥有腹滿。暴不知人者。蓋以陰氣盛於上。則不守于下。而脾腎肝

三經之氣不化。故腹滿脹。陽氣盛于上。則陽氣并上而邪氣逆。逆則陽氣亂而神明失守。故不知人也。又曰。有厥逆而為頭痛。數歲不已者。蓋以所犯大寒。內至骨髓。以腦為主。故寒逆而至于腦。今頭痛齒亦痛。是邪之逆于上。亦名厥逆也。又曰。有病膺腫頸痛。胸滿腹脹者。此厥逆也。治之須其氣并而治之。蓋以腫痛脹滿。皆在上中二焦。此以陰并於陽。下逆于上。正所謂厥逆也。故治之不可灸。灸必為瘡。不可石。石必為狂。惟以其氣并者。以既逆之後。必漸通。然後隨其盛衰而調之。可無偏絕之患也。此四條經皆以發明厥逆之餘疾。故復列而論之。乃後人復標寒熱尸痰氣食暴七厥之名。雖其為病不外乎內經之所及。然其症狀瘳治。有不可不備者。大約手足寒者為寒厥。宜附子而寒厥又有因氣虛者。宜參湯又有手足冷。表熱裏寒。下利清穀。食入即吐。脉沉者。宜四逆湯又有

獨指尖冷者則名清厥。

宜理中湯

以上寒厥所統手足獨熱者為熱厥。

宜火

而熱厥又有兼游赤者。

宜升陽散火湯

又有便秘者。

宜大柴胡湯

又有譫

語身冷遺溺自汗者。

宜白虎湯

又有煩渴躁妄失下而手足冷甚但不

過肘或身冷而反見陰象者正為熱極似寒俗工妄謂變成陰症

急用熱陽助陽十無一生矣。

宜白虎湯

又有婦人熱入血室因而發厥

者。

宜以童便為君加赤芍生地牛膝丹皮桃仁

以上熱厥所統尸厥者由胃犯不正之

氣或因弔死登塚飛尸鬼擊致陰氣上盛下部空虚手足冷肌膚

起粟頭面青黑錯言妄語不省人事。

宜蘇合丸香正氣散

或有身脉不動

形體無知狀如死尸者須先用藥令其蘇甦。

宜返魂丹灌之

然後隨其臟

氣以治寒則熱之熱則寒之閉則通之以上尸厥所統若夫痰厥

則由寒痰迷心隊道不行故四肢厥冷僵仆卒倒咽作聲口吐沫

不省人事氣喘脉弦也。

宜導痰湯

容有暴不知人類于卒中但未卒仆

如一切中狀。喉中痰如曳鋸者。必先用藥探吐其痰。宜瓜蒂散然後治

之。宜清氣化痰丸導痰湯以上痰厥所統。氣厥則緣暴怒傷陰。四肢冰冷。卒

然而仆。口出冷氣。其脈必浮。宜蘇子降氣湯且有暴怒氣逆。昏暈痰塞。牙

緊似中風者。宜順氣散以上氣厥所統。至如暴厥者。由于傷血。其脈扎

先用藥灌醒。宜姜汁調蘇合丸然後察脈治之。如冷過臂膝。唇與指甲青

黑者。皆不治。或遇暴厥。可用急治之法。宜蒲黃酒以上暴厥所統。又如

食厥者。醉飽後感風寒。或着腦。而飲食填塞。胃氣不行。變為異常

急猝之症。宜保和丸或因酒而得。亦名酒厥。宜二陳湯加青皮葛根以上食厥所

統。總之。凡治氣食尸痰四厥。皆以降痰順氣。溫中為要。今擬加減

之法。四厥可治矣。其法以茯苓甘草枳壳半夏桔梗陳皮六味為

主藥。如遇尸厥。宜加蒼朮雄黃遠志菖蒲檀香沉香乳香木香等

古人以忍冬藤葉一味煎膏治尸厥。大妙。可採用。遇痰厥。宜加南

星姜汁瓜萋霜等遇氣厥宜加烏藥木香香附青皮砂仁等遇食

厥本宜吐若不吐宜加厚朴枳寔山查麥芽蒼朮等依此治之自

無不效然此寒熱尸痰氣食暴七厥之外更有氣虛厥有所勞傷

氣弱不能運行之故也宜補中益氣湯更有血虛厥或吐瀉崩漏產後所

致也宜芎歸養榮湯更有風厥手足搐搦是也宜續命湯更有骨厥骨枯爪痛

者是也宜四七湯更有肝厥身立如椽者是也宜四七湯更有痺厥即脚氣

頑麻腫痛是也初發時必身痛肢節腫痛宜羌活導滯湯後用當歸拈痛湯更有

虺厥由于胃寒虺虫攻胃故手足厥冷而必吐虺也宜安虺散互詳諸

虫門厥之為類不一如是獨熱厥一症竟有變成痿者或由腎肝

虛陰血失養而又房慾不絕以致自蹠以下常覺熱痛宜五獸三

壯筋健步九或由醇酒膏粱滋火于內逼陰于外致相火熾而乘陰位

兩脚痿弱甚且臍膝尻陰皆冷精滑不固法當瀉相火而復真陰

使陰復其位則病自痊矣。宜滋腎九神若誤投熱劑反瀉其陰而助其陽立斃之道也。此則厥症之變出者。業師孫慶會論厥之說曰：厥症有數種。總在肝風痰火龍雷之火上冲作厥。相火上冲陽明氣塞作厥。胆怯心虛痰火氣閉作厥。元虛氣逆作厥。風邪寒閉作厥。古人又有尸厥痰厥風厥寒厥痙痲痲角弓反張皆似厥。極驚人極難辨。識得真勿驚忙。候脉息面色看清動作厥狀而治之。大指指拳內凶。指拳外輕脉大浮洪有力易醒脉細沉伏數急不連貫凶。面青環口青唇白鼻青孔黑人中弔危。此論極爲秘要。故書于此。

脉法 內經曰脾脉緩甚爲痿厥。又曰脉至如喘名曰暴厥。暴厥者不知與人言。又曰厥逆連臍則死。連經則生。註云連臍死者神去故也。丹溪曰痰病得澀脉必費調理。蓋痰膠固脉道

阻塞必至卒厥也。仲景曰：寸口脈沉大而滑，沉則爲寔，滑則爲氣，寔氣相搏，血氣入臟卽死，入腑卽愈。此爲卒厥，不知人，何謂也。師曰：唇青身冷爲入臟卽死，身溫和汗自出爲入腑卽愈。脈經曰：尸厥呼之不應，脈伏者死，脈大反小者死。又曰：卒厥腹大四肢滿，脈大而緩者生，緊大而浮者死，緊細而微者亦生。鰲按：諸厥之脈大約沉微不數是寒，沉伏而數是熱，細是氣虛，芤大是血虛，浮是風浮，數而滑是痰，脈至如喘是氣沉滑，緊疾是食，浮澀而緊是痺，洪大而滑是虺，察其脈合其症，厥病雖繁，寧有遁形乎。

諸厥原由症治。內經曰：腎虛則清厥，意不樂。又曰：下虛則厥。又曰：邪客于手足少陰太陰足陽明之絡，此五絡皆會于耳中，上絡左角，五絡俱竭，令人身身脈皆動，而形無知也。其狀若尸，名

曰尸厥以竹管吹其兩耳卽甦。綱目曰厥論寒熱皆由腎之
精氣內竭而然也。又曰王太僕云厥者氣上逆也。世謬傳爲脚
氣內經謂寒厥者手足寒也。熱厥者手足熱也。蓋陽衰于下則
爲寒厥。陰衰于下則爲熱厥。陰陽之氣不相接續則爲厥。仲
景曰尸厥者脉動而無氣。氣閉不通。故靜如死也。還魂湯主之。
又曰卒然不省人事。全如死尸。但氣不絕。脉動如故。或脉無倫
次。乍大乍小。或微細不見。而心胸煖者是也。入門曰厥症多
以不勝乘其所勝。如腎移寒于脾。則爲寒厥。心移熱于腎。則爲
熱厥。寒厥宜十全大補湯加附子。或當歸四逆湯。熱厥宜升陽
散火湯。火鬱湯。又曰尸厥之症。卒死。脉猶動。四肢逆冷。腹中氣
走如雷鳴。聽其耳中如微語聲者是也。急用硫黃散朱犀散如
無用姜汁半盞酒一盞煎百沸灌下。又曰凡尸厥鬱冒卒死。卒

中之類皆當發表。仲景所謂發胃欲解，必大汗出是也。又曰：凡卒厥者，口張目開，手散遺尿爲虛，宜補氣。目閉口噤，手拳爲寔，宜發表。遺錄曰：凡暴厥，不出一時可救之。雖氣閉絕，四肢冷，若心腹溫，鼻微溫，目中神彩不轉，口中無涎沫，卵不縮者，皆可活也。備急丸治之。靈樞曰：清氣在陰，濁氣在陽，榮氣順脈，衛氣逆行，清濁相干，亂于臂脛，則爲四厥；亂于頭，則爲厥逆。頭重眩仆。丹溪曰：氣上厥逆屬陽，無寒之理，覺惡寒者，乃火極似水也。急與退熱清氣湯。醫旨曰：痰厥者皆因內虛受寒，痰氣阻寒，手足厥冷，麻痺暈倒，脈沉細，宜服加味二陳湯。鶴頂丹又曰：蛔厥者，胃寒所生，胃中冷，則吐蛔，不可用冷藥。宜理中湯加炒川椒、檳榔煎水吞下烏梅丸。得效曰：經云，臣貫心則殺人，欲驗之心腹大痛不可忍，或吐青汁黃水，出涎沫，或吐更發有

休止宜蕪蕪散。類聚曰：風厥者，四肢繫習也；四肢繫習者，四肢動而不止也。似癱瘓而無力，不得伸縮者也。回春曰：凡人卒然暈倒，口噤不能言，目不識人，四肢不舉等症，多因飲食過度，變為異常之疾，必須審問。若果飲食之後，或着氣惱，用姜鹽湯多灌探吐之，後服加味六君子湯即愈。

治諸厥方四十一

理中湯 寒厥 人參 白朮 甘草 乾姜

附子理中湯 又 附子 人參 白朮 甘草 乾姜

十全大補湯 又 人參 茯苓 白朮 炙草 川芎 當歸 白芍 生地 黃芪 肉桂 姜三 康二

當歸四逆湯 又

參芪益氣湯 氣虛 人參 黃芪 白朮 五味 麥冬 附子 陳皮 甘草

四逆湯 寒厥 附子 乾姜 甘草

升陽散火湯 熟麻 升麻 柴胡 羌活 獨活 葛根

火醇湯 又 羌活 升麻 葛根 白芍 人參 柴

大柴胡湯 便秘 柴胡 黃芩 半夏 白芍 大黃

白虎湯 譫語 石膏 知母 甘草 粳米

蘇合丸 尸厥 犀角 白木 香附 珠砂 訶子

藿香正氣散 又 藿香 白芷 茯苓 紫蘇 厚朴 白

返魂丹 又 陳皮 甘草 半夏 桔梗 大腹皮

又 安息香 雄黃 琥珀 麝香 白芥子

硫黃散 又 硫黃 鎔為丸 黍米 每服五分

好酒一盞 同煎 覺起 傾于盞內 蓋着 候溫 灌

服之 如人行五里 又進一服 不過三服 即甦

朱犀散 又 犀角 五錢 珠砂 麝香 各二錢 半 每

導痰湯 痰厥 南星 半夏 枳實 赤苓 陳皮

加味二陳湯

又牛夏 陳皮 當歸 茯苓 枳實 木
梗 杏仁各一錢 良姜 砂仁各五分
香 肉桂 甘草各三分 姜五片

鶴頂丹

又明礬一兩 心紅五錢或黃丹亦可 每
取末一匙入磁器內鎔化乘熱作丸櫻桃大每
一丸薄荷湯下

清氣化痰丸

又牛夏 南星 白礬 皂角 乾姜各四
兩 先將白礬三味水五碗煎三碗却入星夏
浸兩日再煮至星夏無白點晒乾同 橘紅
青皮 蘇子 葶子 山查 神曲 杏仁
葛根 麥芽 香附各二兩 蒸餅丸
此丸專治膏梁厚味人腦滿痰盛之症若脾胃
虛者必受害切不可輕用

蘇子降氣湯

氣厥 蘇子 半夏 前胡 炙草 當歸
陳皮 沉香 虛加黃芪 冷加肉桂
皮 茯苓 白朮 白芷 香附 青皮 陳

八味順氣湯

皮 烏藥 甘草
又柴胡 陳皮 赤苓各一錢 牛夏 枳
殼各八分 便香附七分 川芎五分 木香
炙草各三分 砂仁七粒 姜三片

退熱清氣湯

蒲黃酒

暴厥 蒲黃一兩炒褐色清酒十杯沃之溫服

備急丸

又 大黃 乾姜 巴霜各二兩 蜜和搗干
杵丸小豆大卒厥者取三丸熱酒吞下口不開
酒化灌之下咽即活 此方端治諸卒死暴疾
百病及中惡客忤鬼擊鬼打面青口噤奄忽氣
絕 張易老名獨行丸乃急劑也

還魂湯

尸厥 麻黃三錢 杏仁二十五粒 肉桂
甘草各一錢 水煎灌服噤口者幹開口灌之
藥下立甦

保和丸

食厥 山查 神曲 半夏 橘紅 麥芽
茯苓 腹子 連翹 黃連
又 香附錢半 白朮 茯苓 陳皮 半夏
加味六君子湯 各一錢 人參七分 木香 砂仁各五分
甘草三分 姜三片 棗二枚 蘇葉十片

二陳湯

總治 茯苓 半夏 甘草 陳皮

補中益氣湯

氣虛 人參 黃芪 當歸 白朮 升麻
柴胡 甘草 陳皮

芎歸養榮湯

血虛 川芎 當歸 熟地 白芍 麥冬
杞子 黃柏 知母 甘草

小續命湯

風厥 麻黃 人參 黃芩 白芍 甘草
川芎 杏仁 官桂 附子 防風 防已
骨厥 半夏曲 茯苓 蘇葉 厚朴 姜
棗

四七湯

羌活導滯湯

痺厥 羌活 獨活 當歸 防已 大黃
枳寔

當歸拈痛湯

又 當歸 羌活 炙草 黃芩 人參 茵
陳 升麻 葛根 苦參 蒼朮 知母 澤
瀉 猪苓 防風 白朮

安虬散

虬厥

烏梅丸

又 烏梅十五个 黃連七錢半 當歸 川
椒 細辛 附子 肉桂 人參 黃柏各三
錢 醋浸烏梅取肉搗極爛和勻作丸每米飲
下一二二十九或二三十丸

蕪荑散

又 蕪荑 雷丸各五錢 乾漆炒烟盡一錢
每末二錢溫水調服小兒半錢

五獸三匱丸

變痿 鹿茸 血竭 虎脛骨 酒牛膝 金
毛狗脊 燎去毛各一兩 卽五獸也如法爲末
另用附子一个去皮剉去中心入硃砂細末一
兩填滿又用木瓜一枚去皮剉去中心入附子
于內以附子末蓋口卽三匱也却以三匱坐于
釜器內重湯蒸至極爛取出和五獸末打枲
者取之

子大木瓜酒下

養血健步丸

又 熟地四兩 酒牛膝 姜杜仲 酒當歸
監黃柏 蒼木各二兩 酒白芍一兩半

監黃芪 監補骨脂 山藥 五味 杞子
人參 兔絲子 白木 虎脛骨 龜板各一

兩 防風六錢 酒防已五錢 酒羌活三錢
猪脊髓七條入煉蜜丸 監湯下

神龜滋陰丸

又 酥炙龜板四兩 監黃柏 監知母各二
兩 杞子 五味子 鎖陽各一兩 乾姜五

錢 酒糊丸 監湯下

滋腎丸

又 酒黃柏 酒知母各一兩 肉桂半錢
水丸 空心白湯下

諸癇源流

沈金鰲撰

諸癇腎經病也。內經專主腎經失職。而河間則以爲熱甚風燥。乃其兼化。丹溪又主痰與熱。士材又兼主肝腎。而或兼風火。要當據內經爲的。諸家之說當參攷以爲酌治之法。庶諸癇無遁情。經曰。二陰急爲癇厥。二陰者足少陰腎也。蓋其症在腎氣之厥。而邪傷在陰。與筋以腎氣主少陰。與樞少陰。逆而樞失。則氣塞于經。而上行。少陰脉係舌本。故塞喉音隘。不容發。若獸鳴然也。經時必止者。氣復反則已。是以不與癇同也。又曰。心脉滿大。癇癧筋攣。肝脉小急。癇瘈筋攣。足少陰筋病。主癇瘈及瘕。蓋心脉滿而癇瘈者。腎逆而心火鬱也。逆于肝者。肝陰先不足。而腎氣逆之。故肝脉小急。亦癇瘈筋攣也。凡癇必兼瘈。少陰厥而後癇也。又曰。陽維從少陰至太陽。動苦肌肉痺。及下部不仁。又苦顛仆羊鳴。甚者失音不能言。

腎 諸癩

蓋陽維維於諸陽而從少陰。至諸陽是陰爲陽根也。故能維諸陽。而少陰陰邪從而至諸陽。故能塞諸陽之會。而患肌痺等症。羊鳴失音者。少陰氣不至。則爲瘖也。又曰。陰維從少陽斜至厥陰。動苦顛癎。僵仆。羊鳴失音。蓋陰維從少陽至厥陰。是陽爲陰鼓也。動在少陽。故能鼓諸陽而爲維。而少陽既衰。陰邪遂壅。亦能全塞諸陰之會。而筋絡相引。故亦患顛癎等症。此雖不若少陰而厥陰之方。國亦少陰之失樞也。觀內經之言。則諸癩爲患。可識其皆由于腎矣。若河間主熱。故專以清涼爲主。丹溪主痰與熱。故以星牛芩連爲主。而熱多者清心。痰多者行吐。然後用安神平肝。如歸地牛黃。硃砂青黛柴胡川芎金銀箔之類。士材兼主腎肝。故以爲癩症之發厥。由腎中龍火上升。而肝家雷火相從而助。惟有肝風。故搐搦。搐搦則通身脂液逼迫而上。隨逆氣以吐出于口也。諸家之可參。

致如此。總而論之。諸癩之原。雖根于腎。而諸癩之發。寔應五臟。如
 馬癩之張口搖頭作馬嘶者。則應乎心。牛癩之目正直視腹脹作
 牛吼者。則應乎脾。猪癩之喜吐沫作猪叫者。則應乎腎。鷄癩之搖
 頭反折喜驚作鷄鳴者。則應乎肝。羊癩之揚目吐舌作羊聲者。則
 應乎肺。須各對其經而治之。而所發之候。亦可據以辨驗。經絡如
 晨朝發者。病在足厥陰肝。黃昏發者。病在足太陰脾。平旦發者。病
 在足少陽胆。日中發者。病在足太陽膀胱。亥時發者。病在足陽明
 胃。中夜發者。病在足少陰腎。須各加引經藥。肝柴胡吳萸脾升麻
葛根白芍胆柴胡青
皮膀胱羌活胃白芷石
膏腎肉桂知母獨活 千金方又云。先身體熱。瘰癧驚啼而後發。
 脈浮洪者。為陽癩。病在六腑肌膚之間。易治。宜妙香丸 先身冷。不驚掣
 啼叫。病發脈沉者。為陰癩。病在五臟骨髓之內。難治。宜五生丸引
神歸舍丹
 此又以陰陽辨驗。其法較為便捷。總之五癩之應五臟。所以識其

由發時之分六經。所以審其病。症狀之別陰陽。所以異其治。固非
有矛盾也。故陽癰必由痰熱客心胃。聞驚而作。甚則不聞驚亦作。
宜用寒涼藥。陰癰亦本痰熱。緣醫用寒藥太過。損傷脾胃。變而成
陰。宜用溫補燥濕藥。此施治之不可混也。然而爲標爲本。亦更有
辨。蓋癰症之成。有從標而得者。止在經脈。不通有從本而得者。必
深入兩腎。動氣。夫兩腎動氣。是臟腑之根。呼吸之門。生氣之本也。
生氣者。陽從陰極而生。卽蒼天之氣所自起之分也。故經曰。蒼天
之氣清淨。則意志治。順之則陽氣固。雖有賊邪不能害。或經脈引
入外感。內傷。深入于根本。傷其生化之原則。命門相火自下逆上。
塞其音聲。迫出鳥獸之音。遍身之液。與脾之涎沫。迫而上湧。流出
于口。涎潮于心。故卒倒不知人也。小兒又有胎癰。得之母腹中。其
母孕時。有所大驚。氣上而不下。精氣并居。故子生卽發爲癰疾。宜燒

丹而從古療癩惟子和法最善其法汗吐下並施若虛而不勝吐

下者則以豁痰清火為主如南星木香竹瀝菖蒲全蝎人參黃芩麥冬所用方藥無不

取效宜龍腦安神丸五疇丸參殊丸師其意而用之可也至嵩崖則專取二躡治

之亦屬徑路可尋其法以晝作者為陽躡宜升陽湯夜作者為陰躡宜

物湯加柴胡瓜蒌半夏南星黃柏知母遠志棗仁菖蒲是也此皆前人之可取以為則者也

然而癩病日久必成窠囊宜厚朴丸窠囊日久中必生蟲宜妙功丸或與行

痰宜追風滌熱丸宜清心除驚宜驚氣丸寧神宜歸脾丹癩病已愈須防再發

宜斷癩丹或十全大補湯加棗仁遠志殊砂麥冬金箔銀箔必經年峻補纔保無虞然後再加

調養宜六味丸庶乎可耳

脈法 脈訣曰癩癧之脈浮洪大長 鰲按諸癩之脈大約沉

寔弦急者皆不可治

諸癩症治 綱目曰痰在膈間則眩微不仆痰溢膈上則眩盛

仆倒

熬按凡疾病皆然不獨癩也

而不知人名之曰癩。癩大人曰癩。小兒曰

癩。其寔一也。又曰仆倒不省皆由邪氣逆上陽分而亂於頭中

也。癩癩者痰邪逆上也。痰邪逆上則頭中氣亂頭中氣亂則脉

道閉塞孔竅不通故耳不聞聲不識人而昏眩仆倒也。又曰凡

癩癩仆時口中作聲將省時吐涎沫省後又復發時作時止而

不休息中風中寒中暑尸厥之類則仆時無聲省時無涎後不

再發。入門曰癩有五。肝曰鷄癩。心曰馬癩。脾曰牛癩。肺曰羊

癩。腎曰猪癩。以病狀偶類故爲名。其寔不外乎痰火與驚三者

而已。諸方曰胎癩宜燒丹丸。身熱脉浮爲陽癩宜妙香丸。身

凉脉沉爲陰癩宜五生丸。肥人多痰宜加味壽星元。瘦人火盛

宜清心滾痰丸。痰迷心竅宜金箔鎮心丸。痰火俱盛宜甘遂散

吐下之因驚者宜抱胆丸。因怒者宜寧神導痰湯。心藏虛損氣

血不足宜滋陰寧神湯清心溫胆湯婦人癩宜加味逍遙散硃砂膏五癩通治宜五癩丸六珍丹錢氏五色丸癩愈再發宜斷癩丹

治諸癩方三十

龍腦安神丸

總治 冰片 麝香 犀角
 茯苓 人參 麥冬 硃砂各二兩 金箔廿

五癩丸

五方 牙硝二錢 地骨皮 桑皮 甘草各
 一兩 蜜丸芥子大日三服
 總治 白附子五錢 半夏 南星 烏蛇
 全蠍各二兩 皂角二兩打碎用水半碗浸透
 揉汁去渣同白礬二兩煎乾 蜈蚣半條 姜
 蚕一兩半 硃砂 雄黃各一錢半 麝香三

參硃丸

分 姜汁糊丸每服三十九
 此方不問新久癩瘡皆治
 又 人參 蛤粉 硃砂 等分猪心血丸金
 銀湯下三十九

升陽湯

陽膝 連節麻黃 防風各八錢 蒼木一兩
 半 炙甘草五錢 空心服

四物湯

陰躄 川芎 當歸 白芍 熟地

厚朴丸

藥囊 黃連二兩半 厚朴 川椒 川烏各
兩半 柴胡 吳茱 紫苑 菖蒲 桔梗
茯苓 官桂 乾姜 皂角 人參各一兩
巴霜五錢 蜜丸每五六十丸 姜湯下 春夏
再加黃連二兩 秋冬再加厚朴二兩 人參自
蒲各兩半

妙功丸

生虫 丁香 木香 沉香 胡黃連各五錢
乳香 麝香 熊胆 大黃各兩半 白丁
香三百粒 輕粉四錢半 雄黃 青皮 黃
芩 黃連各五錢半 黑丑 三稜 蓬朮
陳皮 甘草 雷丸 鶴虱各一兩 赤小豆
三百粒 巴豆七粒 蕎麥兩六錢作糊丸每
丸重一錢 硃砂為衣 陰乾水化服

追風祛痰丸

行痰 半夏末二兩分二分一皂角汁浸作曲
一姜汁浸作曲 南星三兩一分白礬水浸一日
夜一半皂角水浸一日 夜 防風 天麻 姜
蚕 白附子煨皂角全炒各一兩 全蝎 枯
木香 白礬各五錢 姜汁糊丸 硃砂為衣 姜
湯下七八丸

清心温胆湯

滌熱 陳皮 半夏 茯苓 枳寔 姜黃連
竹茹 白朮 菖蒲 香附 當歸 白芍
各一錢 麥冬八分 川芎 遠志 人參各
六分 甘草四分 分二貼加姜三片

驚氣丸

除驚 蘇子一兩 附子 木香 白花蛇
姜蚕 橘紅 天麻 南星各五錢 全蝎二
錢半 冰片 麝香各五分 硃砂二錢半半
為衣 蜜丹龍眼大每一丸薄荷湯或酒下
若去附子加鐵粉尤妙
此方專治因驚失心遂成癲疾發則涎潮昏塞
醒則精神若痴之症

歸神丹

寧神 塊硃砂二兩入猪心內燈草扎酒蒸二
次久取出另研 棗仁 茯神 人參 當歸
各二兩 西珀 姜遠志 龍齒各一兩 金
銀箔各二十片 酒糊九梧子大初服九丸漸
至二九丸麥冬湯下癲癩甚者乳香人參湯下
多夢不睡棗仁湯下
止癩 黃芪 鈎鈎 細辛 甘草各五錢
蛇壳一條燒存性 蟬壳全者四枚 牛黃一
錢 藥肉丸 每二十九丸參湯下

斷癩丹

十全大補湯

又 人參 白朮 茯苓 甘草 川芎 當
歸 白芍 地黃 黃芪 肉桂 加糯米

六味丸

保養 地黃 山萸 山藥 茯苓 丹皮
澤瀉

燒丹丸

胎癩 元精石 輕粉各一錢 粉霜 硃砂
各五分 研細入寒食麪一錢冰丸成餅再研

妙香丸

麵裹煨黃去麵再研水丸如米大一歲兒五丸
二歲十丸溫水下取下惡物為度先服此丹繼
必以四物湯入黃連再隨時令加減且令淡味
以助藥力須數日方愈
陽痲 硃砂九錢 牛黃 冰片 麝香 膩
粉各三錢 巴霜三十五粒 金箔九方 煉
黃蠟六錢入蜜少許和勻每兩作三十九丸每用
一丸米湯下取利下一切惡毒痰涎為度如要
藥力速行以針刺一眼冷水浸少時服其效更
速 此疏快腸胃制伏水火之劑也
陶痢 南星 半夏 川烏 白附子 黑豆
各生用一兩 姜汁糊丸每三丸或五丸淡麥
湯送下

五生丸

引神歸舍丹

又 胆星二兩 硃砂一兩 便附子七錢
猪心血丸每五十九粒草根湯下
去痰 姜半夏六兩 南星三兩 硃砂一兩
西珀 枯礬各五錢 母真珠一錢 姜汁
糊丸硃砂為衣姜湯下三五十丸

加味壽星元

清心滾痰丸

火盛 酒蒸大黃 黃芩各四兩 礞石同煨
硝礬 犀角 皂角 硃砂各五錢 沉香二
錢半 麝香五分 水丸硃砂為衣溫水下七
十九

金箔鎮心丸

痰迷五錢 胆星一兩 雄黃 真珠各二錢 麝香五分 蜜和每兩作三十九金箔為衣每九薄荷湯下

甘遂散

痰火 甘遂末一錢 猪心血和勻將猪心批兩片入藥于內合以線扎皮紙濕包煨熟取藥出入硃砂末一錢勻和分作四九每九將所煨猪心煎湯化下如大便下惡物即止不效再服一九

抱胆丸

因驚 黑鉛二兩先入銚鎔化次下水銀二兩候結成砂子再下珠砂乳香末各一兩乘熱用柳木槌研勻先如灰子大每九空心井水下病者得睡切莫驚動覺來即安再服一九可除根矣

寧神導痰湯

因怒 姜半夏二錢 製兩星 橘紅 枳壳 赤苓 甘草各一錢 姜五片 水煎 此即導痰湯也 加遠志 菖蒲 黃芩 黃連 砂名曰寧神導痰湯 若加香附烏藥沉香木香名順氣導痰湯 加黃芩黃連名清熱導痰湯 加羌活白木名祛風導痰湯

滋陰寧神湯

心虛 川芎 當歸 白芍 熟地 人參 茯苓 白朮 遠志 南星各一錢 棗仁

腎

諸癆方

卷九

二五

甘草各三分 酒黃連四分 姜三片

加味道遙散

婦人 白芍 白朮各一錢二分 地骨皮
知母 當歸各二錢 茯苓 麥冬 生地各
八分 山梔 黃柏各五分 桔梗 甘草各
三分

殊砂膏

又 棗仁 人參 赤苓各一兩 西珀二錢
半 殊砂 乳香各五錢 每末一錢燈心大
棗湯調下或蜜丸薄荷湯下亦可

錢氏五色丸

通治 真珠另研 雄黃熬各一兩 鉛三兩
水銀二錢半 全鉛熬結砂子 殊砂五錢
再共研極細麵糊丸小麻子大薄荷湯下三四

六珍丹

又 水銀兩半用黑鉛一兩同熬成屑 雄黃
雌黃 真珠各一兩 丹砂水飛五錢 爲
極細末蜜和杵二三萬下丸梧子大姜棗湯下
五丸

大便秘結源流 大便不通 脾約症

沈金鰲撰

大便秘結腎病也。經曰：北方黑水入通於腎，開竅于二陰。蓋以腎主五液，津液盛則大便調和，若為饑飽勞役所振，或素嗜辛辣厚味，至火邪留滯血中，耗散真陰，津液虧少，故成便秘之症。此其原可按經而得之者也。若條分之，則有由胃寔者，善飲食，小便赤，宜丸。宜有由胃虛者，不能飲食，小便清利，宜厚。有由大腸寔者，腹滿，尿宜麻。有由血虛者，液枯發渴，宜益血。有由熱秘者，面色赤，六脈數，寔脹，悶口舌瘡，時欲得冷，宜四順清涼飲。有由冷秘者，面色白而黑，六脈沉遲，小便清白，時欲得熱，宜藿香正氣散。有由風秘者，風搏肺臟，而肺與大腸表裏，因傳大腸，宜潤腸丸。小續命加竹，有由氣秘者，氣不升降，穀氣不行，善噎，宜蘇子降氣。有由相火游走臟腑者，宜大黃。有由血熱者，宜當歸。有由風熱鬱滯者，宜

腎 大便秘結

卷九 三十

風潤有由血分枯燥者宜潤 腸丸有由津液亡失或枯竭者宜 菴容丸五仁丸

有由幽門不通者宜通 幽湯有由三焦不和氣不升降胸膈痞滿者宜 搜

風潤有由氣壅滯而兼有熱者宜四磨湯 有由本有風病而大便

秘者宜皂角元 有由病後血氣未復或產後去血過多及發汗利小便

者宜八珍湯倍當歸 有婦人風秘者宜大麻 至老人便秘亦各有

故不可槩施方劑如由腸胃積熱致二便燥澀宜疏風 如專由風

秘宜小皂 如由虛而兼風秘宜二 如由虛而兼氣秘宜橘 如由虛

而兼血秘宜蘇麻粥 皆當分別然總之老年氣血虛津液往往不

足切不可輕用硝黃恐重竭其津液致秘結更甚也總治宜八珍

因菴容蘇子倘或陰寒脉却寒又微覺躁宜於溫暖藥中畧加苦

寒以去熱躁躁止即勿加如陰躁刻欲就冷兩尺虛或沉細而遲

不得用寒藥宜理中湯 如或不效則用外導之法宜蜜煎加鹽

極冷服

宜齋瓜萎熱
秘宜猪胆汁

脉注 醫鑑曰大便秘結脾脉沉數下連于尺為陽結二尺脉
虛或沉細而遲為陰結右尺脉浮為風結又曰老人虛人秘結
脉雀啄者難治 回春曰燥結之脉沉伏勿疑熱結沉數虛結
沉遲若是風燥右尺浮肥

秘結症治 仲景曰脉浮而數能食不大便此為寔名曰陽結
期十七日當劇脉沉而遲不能食身體重大便反硬名曰陰結
期十四日當劇 入門曰燥屬少陰津液不足以辛潤之結屬
太陰有燥屎以苦泄之 易老曰寔秘者物也虛秘者氣也

丹溪曰寔秘宜滌盪腸胃開結軟堅如硝黃枳寔厚朴承氣湯
之類是也虛秘宜滋養陰血潤燥散結如歸地桃仁麻仁黃芩
潤燥湯之類是也 海藏曰桃杏仁俱治大便秘當以氣血分

醫 大便秘結

卷九 三十一

之晝則便難行陽氣也。宜杏仁。夜則便難行陰血也。宜桃仁。老人虛人大便燥秘。脉浮在氣。宜杏仁。陳皮。脉沉在血。宜桃仁。陳皮。所以俱用。陳皮者。以手陽明大腸與太陰肺爲表裏也。東垣曰。血燥以桃仁酒。大黃通之。氣燥以杏仁枳寔通之。風燥以麻仁大黃利之。氣澁不通以郁李仁皂角仁潤之。氣壅便秘以人參歸身麻仁大黃開之。

秘結導引 保生秘要曰。以舌頂上腭。守懸壺。靜念而液自生。俟滿口。赤龍攪動。頻漱頻吞。聽降直下丹田。又守靜咽數回。大腸自潤。行後功效。

運功 保生秘要曰。左手撫臍。用意推旋開五臟。向後落大腸。九曲行去。或升腎水洗潤大腸。九曲而通瀉之。

大便不通亦腎病也。蓋秘結者。不過時常燥結。起于下利而已。若

不通則徃徃十日半月不便。閉塞阻隔。甚至胸腹脹滿。氣悶欲絕。而其原則各有由。大約熱邪入裏。則胃有燥屎。三焦伏陽。則津液中乾。此固由大腸之挾熱者也。宜潤腸丸。虛人陰冷而血乾枯。老人陽衰而氣道塞。此則由大腸之挾冷者也。宜潤腸丸。腹脹痛悶。胸痞咳嘔。此又由宿食留滯者也。宜脾積元。腸胃受風。乾燥滯澁。此又由風氣滯灼者也。宜麻仁丸。肺氣壅蔽。不能下降。大腸而諸氣之道路。因以閉塞。噎逆泛滿。此又由氣失升降之常者也。宜桔梗枳殼湯。然則大便之不通。夫豈可與秘結之症。同焉混視哉。

大便不通症治 正傳曰。久病腹中有寔熱。大便不通。潤腸丸

微利之。不可用峻利之藥。醫鑑曰。大便閉。服承氣湯之類。不

通者。四物湯加枳。榔。枳。殼。桃。仁。紅。花。又曰。大便不通。宜靈寶丹

大黃飲子。老人虛人。宜潤腸丸。潤腸湯。婦人宜通神散。產前後

宜調導飲外治宜宜積丸提盆散。丹溪曰古方通大便皆用降氣之劑。蓋肺氣不降則大便難於傳送。用杏仁枳壳沉香訶子等是也。老人虛人風人津液少而秘者宜以藥滑之。用麻仁脂麻阿膠等是也。若妄以峻劑逐之則津液走氣血耗雖暫通而卽復秘或更生他病矣。

脾約液枯症也。仲景論陽明傷寒自汗出小便數則津液內竭大便必難其脾爲約。脾約丸主之。蓋液者肺金所布肺受火燥則津液自竭而不能行清化之令以輸于脾是肺先失傳送之職脾亦因爽轉輸之權而大便有不燥結者乎。但仲景以脾約丸主之恐只宜于古而不盡宜于今。蓋古人壯寔開泄猶可今人氣血多有不充此丸以大黃爲君當大病後或東南人虛羸恐雖熱甚而偶悞服此必脾愈弱而腸愈燥也。故本病只宜以滋養陰血使陽火

不熾為上。直當歸潤燥湯必審知其人強壯或熱結太甚或西北
充寔之人猶可以脾約丸投之。否則宜謹慎也。

脾約症治 成無已曰胃強脾弱約束津液不得四布但輸膀胱

故小便數而大便難制脾約丸以下脾之結燥 丹溪曰脾約症在西北以開結為主在東南以潤燥為功

治大便秘結方三十一

七宣丸

胃寔 大黃一兩 木香 枳實 訶子皮 桃仁十二粒 蜜丸水下五十粒以利為度

厚朴湯

胃虛 厚朴 陳皮 白朮 甘草 枳實 半夏曲 姜 棗

麻仁丸

大腸寔 麻仁 杏仁 厚朴 枳實 赤芍 藥 大黃 蜜丸每二十九粒臨臥服取利

益血潤腸丸

血虛 當歸 熟地 荆芥 枳殼 麻仁 杏仁 茯苓 蘇子 將熟地麻仁杏仁同杵 千下加蜜丸空心下五六十丸

木香板榔丸

熱秘 木香 板榔 枳殼 杏仁 青皮 皂角 郁李仁 半夏曲

腎

脾約症

秘結方

卷九

四順清涼飲

又薄荷十葉 大黃 甘草 當歸 赤芍各一錢 加

承氣湯

又 大黃 芒硝 厚朴 枳實 姜

藿香正氣散

冷秘 茯苓 白芷 紫蘇 藿香 厚朴 白朮 陳皮 桔梗 半夏 大腹皮 甘草

潤腸丸

風秘 麻仁另研 蜜丸 羌活 大黃 歸尾 桃

小續命湯

又 麻黃 人參 黃芩 赤芍 川芎 甘草 杏仁 官桂 防已 防風 附子 姜

蘇子降氣湯

氣秘 蘇子 半夏 厚朴 前胡 陳皮 甘草 當歸 沉香 姜 虛加肉桂 黃芪

八珍湯

病後 人參 茯苓 熟地 白朮 炙草 川芎 當歸 白芍 乾姜 白朮 甘草

理中湯

陰躁 人參 乾姜 白朮 甘草

大黃牽牛散

相火 大黃一兩 黑牽牛頭末五錢 共為末 每三錢手足冷者酒調下 手足熱者蜜湯下

當歸潤燥湯

血熱 當歸 大黃 熟地 甘草 桃仁 麻仁各一錢 生地 升麻各七分 紅花二分 先取七味煎至半入桃仁麻仁再煎至半空

疏風潤腸丸

風熱 麻仁二兩半 桃仁二兩 皂角燒存性兩三錢 大黃 羌活各一兩 防風 當

歸各三錢 蜜丸白湯下

皂角丸

風人 羌活 防風 牙皂 枳壳 桑皮
枳櫛 杏仁 麻仁 白芷 陳皮 等分蜜
丸湯下三五十九 有熱加大黃

潤麻丸

血燥 麻仁 桃仁 生地 當歸 枳壳各
一兩 蜜丸白湯下

菴沉丸

亡津 菴容二兩 沉香一兩 麻仁汁打糊
丸空心米飲下

五仁丸

又 橘紅四兩另研 桃仁 杏仁各一兩
柏子仁五錢 郁李仁二錢 松子仁一錢二
分半 各另研蜜丸空心米飲下

通幽湯

幽門秘 升麻 桃仁 歸身各錢半 生地
熟地各七分 炙草 紅花各二分 煎好
調枳櫛末五分服

搜風潤腸丸

三焦 郁李仁一兩 木香 枳櫛 青皮
陳皮 沉香 槐角 枳壳 枳寔 三稜
煨大黃各五錢 蜜丸空心米飲下 一方加
萊菔子五錢更妙

四磨湯

氣滯 枳櫛 烏藥 木香 沉香 等分各
濃磨水共取盞中七分煎三五沸微溫服
大便秘結方

六磨湯

兼熱 即上四磨湯加 大黃 枳壳 等分
磨濃汁服

大麻仁丸

婦人 木香 枳壳 枳壳各一兩 麻仁
炒大黃各三錢 蜜丸

疏風順氣元

腸胃熱 大黃酒蒸七次五兩 車前子二兩
半 郁李仁 枳壳 麻仁 酒兔絲子 酒

牛膝 山藥 芎藭 枳壳 枳壳 枳壳 枳壳
獨活各一兩 蜜丸

此方專治大便秘結真良方也久服精神康健
百病不生尤宜老人

小皂角元

風秘 皂角炙 枳壳炒 等分蜜丸

二仁丸

又 杏仁 麻仁 枳壳 訶子肉 等分

橘杏丸

氣秘 橘皮 杏仁 等分蜜丸

蘇麻粥

順氣 蘇子 麻仁 不拘多少等分水浸研

三仁粥

老虛 桃仁 海松子仁各一合 郁李仁一
錢 搗爛取汁和米作粥服

治大便不通方十四

潤腸丸

挾熱 當歸 生地 枳壳 桃仁 麻仁
等分蜜丸 熬按此方酌加大黃黃芩亦可

潤腸湯

扶冷 蓋水研 取汁 桃仁研泥一兩 荆芥穗為末 一兩 共合和入鹽少許煎代茶飲之以通利 為度

半碗丸

冷甚 浸蒸餅丸 姜半夏末 疏黃研極細 等分姜汁 風秘 木香 檳榔 枳壳各一兩 麻仁

大麻仁丸

大黃各三錢 蜜丸

桔梗枳壳湯

氣壅

四物湯

潤血 川芎 當歸 白芍 生地

靈寶丹

推積 木香 沉香 乳香各五分 巴霜一錢 大棗三枚 蒸取肉打丸 菜豆大每服二九

大黃飲子

或三九 涼水送下 如欲利三行先吃涼水三口 然後用涼水送下 如欲五行六行依數吃水 熱燥 生地二錢 煨大黃 杏仁 梔子 升麻 枳壳各一錢 人參 黃芩 甘草各五分 姜五片 鼓廿一粒 烏梅一个

潤腸湯

久閉 水一杯 煎數沸 蜂蜜一兩 香油五錢 朴硝一撮

通神散

婦人 木香五錢 芒硝 桃仁 郁李仁各一兩 大便不通方 脾約症方

脾積元

宿食 蓬朮一兩半 三稜一兩 青皮五錢
良姜以醋煮切片焙乾 木香 百草霜
巴霜各二錢半 麵糊丸麻子大陳皮湯下五
七十九

調導飲

產前後 當歸 川芎 防風 枳壳各一錢
二分 甘草三分 姜三 棗二 空心煎服

宣積丸

外治 巴豆去壳 乾姜 韭子 良姜 硫
黃 甘遂 枳榔 等分飯丸如鷄子黃大早
朝先以椒湯洗手麻油塗手掌握藥一丸移時
便下欲止則以冷水洗手

提盆散

又有草烏為極細末 葱白一枚切去根其頭
上有汁濕蘸草烏末納肛門中即通
此即霹靂箭能治大小便不通

治脾約症方四

脾約丸

總治 大黃蒸四兩 枳壳 厚朴 赤芍各
二兩 麻仁兩半 杏仁一兩二錢半 蜜丸
空心湯下五十九

菴沉丸

又 肉菴容二兩 沉香一兩 麻仁汁打糊
丸

潤腸丸

又 杏仁 麻仁 枳壳 陳皮各五錢 阿
膠珠 防風各二錢半 蜜丸每五十九老人

蘇子湯下壯者荆芥湯下

當歸潤燥湯

又當歸 大黃 熟地 甘草 桃仁 麻仁 各一錢 生地 升麻 各七分 紅花 二分

先將七味煎至半人 桃仁 麻仁 煎至半空 心服 一名潤燥湯

沈氏尊生書卷十

雜病源流犀燭 臟腑門

心包絡病源流

沈金齋撰

手厥陰心包絡之脉起于胸中出屬心包絡下膈歷絡三焦其支者循胸出脇下腋三寸上抵腋下循臑內行太陰少陰之間入肘中下臂行兩筋之間入掌中循中指出其端次注手少陽三焦經支者別掌中循小指次指出其端次注手少陽三焦經每日戌時周身氣血俱注於心包絡經手厥陰心包絡經少氣而多血

靈蘭秘典論十二官無心包絡但曰膻中者臣使之官喜樂出焉按心包絡在心下橫膜之上。豎膜之下。其與橫膜相粘而黃脂裹者。心也。脂膜之外。有細筋膜如絲。與心肺相連者。心包也。其地正。值膻中。且位居相火。代君行事。寔臣使也。然則秘典之言。膻中。其。即為心包無疑矣。故心為君火。居廣明以建極。以昭臨。十二官。經。曰。君火不用尊之極也。然火為地二所生。君火雖不用。有奉天行。

職又不得同於君火者。心包所以主相火也。夫相火本屬少陽胆。相火之用專屬陽明胃。腐熟水穀。何以心包主之也。蓋以人之相火起于少陽胆。遂游行于三焦。而督署之以爲陽明腐水穀之正者。寔心包也。故經曰。陽明居午。以陽明當相火。夏令不言心包。而心包之能督署自見矣。此以知陽明之經與職總攝於心包。而胆也。胃也。三焦也。總與心包同一職矣。所以難經曰。手心主少陽火。生足太陰陽明土。右尺巳午。卽其位也。蓋手心主者。心包之別名。去腕二寸曰內關。出于兩筋之間。循經以上繫于心包。心系氣寔。則病心痛。心中大熱。手心熱。面黃。目赤。笑不休。臂肘攣急。腋腫。甚則胸脇支滿。虛則煩心。手心熱。心澹澹大動。然虛不可補。此皆取之兩筋間也。古人云。心包絡痛。必連及少陽少陰。夫亦可以知其故矣。

心包症治 靈樞曰少陰者心脉也。心者五臟六腑之大主也。為帝王精神之所舍。其臟堅固。邪不能容。容之則傷心。心傷則神去。神去則死矣。故諸邪在於心者。皆在心之包絡。包絡者。心主之脉也。故少陰無輸也。正傳曰。心包絡是乃裹心之膜。包於心外。故曰心包絡也。醫旨曰。包絡虛宜錢氏安神丸。虛而挾熱醒心散。包絡是熱宜犀角地黃湯。十味導赤散。

治心包絡病諸藥要品及方四

心包絡虛宜養心

當歸 川芎 血竭 沒藥 茯神

心包絡是宜瀉火

硃砂 丹皮 犀角 生地 山梔子

錢氏安神丸

因虛 硃砂 一兩 麥冬 牙硝 茯苓 山藥 寒水石 甘草 各五錢 冰片 二分 蜜和一兩作三十九丸 每丸砂糖水化下

醒心散

虛熱 人參 麥冬 遠志 五味 茯神 生地 菖蒲 等分

心包絡病源流

卷十

犀角地黄湯 是熟 犀角 生地 黃芩 黃連 大黃

十味導赤散

又 地骨皮 黃連 黃芩 麥冬 半夏 茯神 赤芍 木通 生地 甘草 各五分 加姜五片

附載仲景分別標本方藥

標 寫心湯

犀角地黄湯

本 桃仁承氣湯

三焦病源流

沈金整撰

手少陽三焦脈起于小指次指之端。上出二指之間。循手
表腕。出臂外兩骨之間。上貫肘。循臑外。上肩而交出足少
陽之後。入缺盆。布臆中。散絡心包。下膈。循到三焦。其支者
從臆中。上出缺盆。上項繫耳後。直上出耳上角。以屈下頰
至頤。頤其支者從耳後入耳中。出走耳前。過客主人前交
頰。至目銳眦。皆次注足少陽胆經。每日亥時。周身氣血俱
注于三焦。手少陽
三焦經。少血而多氣。

經曰。上焦出胃口。並咽以上貫膈而布胃中。中焦亦並在胃中。出
上焦之後。下焦別迴腸注於膀胱。而于陽明胃之脈。則曰循喉嚨。
入缺盆。下膈屬胃。其直者從缺盆下乳內廉。其支者起胃口。下循
腹裏。下至氣街。此與三焦全行在前。故知三焦者。寔胃部。上下之
匡廓。三焦之地。皆胃之地。三焦之所主。即胃之所施。其氣為腐熟
水穀之用。與胃與太陰脾之前。為相火所居所遊之地。故焦也者。
固以熟物為義也。然則三焦雖有上中下之分。而所由以分者。不

俱從胃言之。歟。何則。人之心下爲膈。膜膈下爲胃。其上口曰黃門。在臍上五寸。上脘穴分。是爲上焦。臍下四寸爲中脘穴。卽中焦。肺脈起中焦在此。臍上二寸爲下脘穴。卽胃下口。傳入小腸處。曰幽門者。是爲下焦。論三焦地分。雖不過四寸之間。而論三焦所主部位。則上焦之胃上口。承接心肺。其所主部位。自在膈以上一段。下焦之胃下口。下輸水穀于小腸。而小腸之水液。滲入膀胱。以注前陰。小腸之滓穢。轉輸大腸。以注後陰。則下焦所主部位。自在臍腹以下一段。若膈之下。臍腹以上。中間一段。胃寔居之。則胃之正中。中焦所主之部分也。古人云。上焦如霧者。狀陽明化物之升氣也。云。中焦如漚。又云。如澀者。狀化時沃溢之氣也。云。下焦如瀆者。狀擠泌流水之象也。古人誠見乎三焦之氣化。一皆胃之氣化。一皆相火之所成功耳。乃後以三焦爲無狀。空有名。皆不知其爲匡。

廓于陽明也。故其病而燥是。則有耳鳴喉痺腫痛耳後連目銳皆痛。肩膈痛。內外百疾。頭面赤熱。赤白遊風等症。虛則有腹寒短氣少氣等症。如或板滯窒塞。則三焦之氣滯也。急當調之。使一氣流通。

三焦傳受 靈樞曰。上焦出于胃上口。並咽。以上貫膈而布胸中。走脇循太陰之分而行。還至陽明。上至舌下。足陽明常與榮俱行于陽二十五度。行于陰亦二十五度。爲一週而復大會于手太陰。命曰衛氣也。中焦亦並胃中。出上焦之後。此所受氣者。泌糟粕。蒸津液。化其精微。亦注于肺脈。乃化而爲血。以奉生身。莫貴于此。故獨得行於經隧。命曰榮氣也。下焦者。別迴腸。注于膀胱而滲入焉。故水穀者常並居於胃中。成糟粕而俱下于大腸。而成下焦。滲而俱下。擠泌別汁。循下焦而滲入膀胱焉。

門曰心肺若無上焦何以宗主榮衛脾胃若無中焦何以腐熟水穀肝腎若無下焦何以疏決津液無形而有用主持諸氣三焦水穀之道路氣之所終始也

三焦症治 靈樞曰鼻柱中央起三焦乃約又曰小腹腫痛不得小便邪在三焦約也 海藏曰上焦如霧霧不散則為喘滿此出而不納也中焦如漚漚不利則為留飲不散久為中滿此上不能納下不能出也下焦如瀆瀆不利則為腫滿此上納而下不出也 入門曰三焦為內火之府故其發也為無根之相火 內經曰三焦為上中下水穀之道路其病宜通利二便 醫鑑曰三焦病宜三和散枳殼丸木香檳榔丸

治三焦病諸藥要品及方七

寔宜清熱涼血

蘇子
麥冬

知母
黃柏

元參
山梔

黃芩
黃連

童便
射干

貝母
甘草

犀角 天冬 白芍 生地 蒲黃 牛膝

桔梗 薄荷 花粉 丹皮 連翹 赤芍

苳根 薑汁 紅藍花 牛蒡子 山豆根

山茨菰 千金子 枇杷葉 五味子 甘

蔗汁 梨 柿 三焦是兼宜降氣

虛宜補中益氣 人參 白朮 黃芪 麥冬 沉香 益智

滯宜調氣通塞 木香 香附 蒼朮 砂仁 白蔻仁 紫

三和散 蘇根 總治 川芎一錢 沉香 紫蘇葉 大腹

皮 羌活 木瓜各五分 木香 白朮

枳殼丸 枳殼 陳皮 炙草各三分 木香 白朮

又 枳殼二兩 陳皮一兩 檳榔五錢

木香 二錢半 黑牽牛子四兩 一半生用一

半炒熟搗取頭末一兩半餘不用 蜜丸

此方專治三焦約大小便不通 又 半夏曲 皂角去弦子酥炙 郁李仁

去壳另研各二兩 木香 枳殼 杏仁 檳榔 青皮各一兩 共為末另以皂角四

兩打碎浸漿水去渣揅揉熬膏入蜜少許和

三焦病訪

卷十

涼膈散

上焦熱 連翹二錢 大黃 芒硝 甘草各一錢
一錢 薄荷 黃芩 山梔各五分 竹葉七片
蜜少許 煎至半入硝

桃仁承氣湯

中焦熱

立效散

下焦熱 瞿麥四錢 山梔二錢 甘草一錢
姜 燈心

導赤散

又 生地 木通 甘草各一錢 竹葉七片

附載仲景大法及分別標本方藥

上焦不歸噫而吞酸 上焦之脉不歸也

中焦不歸不能消穀引食榮衛皆虛

中焦之脉不歸也
三焦無倚寸口微濡

下焦不歸則遺溺 下焦之脉不歸也

三焦是 麻黃 元參 山梔 黃芩 連翹

三焦虛 附子 硫黃 肉蓯蓉 補骨脂 陽起石

三焦大熱 石膏

三焦大寒 肉桂

標有汗 桂枝 黃芪 白朮 石膏 地骨皮

無汗 麻黃 刺芥 薄荷 金沸草

本肉桂 黃芪 熟地 益智仁

卷之九

九

九

膽病源流

沈金鰲撰

足少陽膽脈起于目銳眥。上抵頭角。下耳後。循頸。行于少陽之前。至眉上。却交出。手少陽之後。入缺盆。其支者。從耳後入耳中。出走耳前。至目銳眥後。其支者。別銳眥。下大迎。會于手少陽。抵于頰。下加頰車。下頸。合缺盆。以下胸中。貫膈。絡肝。屬循脇。裏出氣街。繞毛際。橫入髀厭中。其直者。從缺盆下。脇循胸。過季脇。下合髀厭中。以下循髀陽。出膝外廉。下外輔骨之前。直下抵絕骨之端。下出外踝之前。循足附。上入小指次指之間。其支者。別附上。入大指之間。循大指歧骨內。出其端。還貫爪甲。出三毛。次注足厥陰肝經。凡每日子時。周身氣血注于胆。足少陽胆經多氣少血。

膽為中正之官。決斷出焉。又為中清之府。主藏而不主瀉。則其所主異于他臟腑矣。其府之氣。直得先天甲氣而起於少陰。發於厥陰。乃二陰之真精所生。以為一陽之妙運也。經曰：少陽連腎。腎上連肺。夫少陽起于夜半之子。為腎之天根。其氣上升以應肺之治節。為腎天根則通乎下。應肺治節則通乎上。其所以能通乎上下者。以其為中和之極也。惟通乎上下。故得遊行三焦。且即三焦之

所治。以致用陽明故。十一經皆藉胆氣以爲和。經曰。少火生氣。以少陽卽嫩陽爲生氣之首也。是以肝之爲用。能起九地而升地德。亦能出三陽而布天德。皆少陽之妙運也。亦十一經所以取決於膽之故也。豈特爲中正之官。爲五神之決斷已哉。然其爲腑。有獨居于清靜寧謐而出。其冲和之氣。以溫養諸臟者。宜其中有中清之目矣。若夫動而爲病。寔則口苦耳聾。鼻淵善太息。心脇痛不能轉側。甚則面塵體無膏澤。足外熱頭額痛。目銳眦痛。缺盆中腫痛。腋下腫痛。馬刀挾癭。胸中脇肋解。膝外至脛絕骨外踝前及諸節皆痛。汗出振寒瘧。虛則易驚。或不得眠。身寒潮熱而潮熱在平日。由氣中之火。寔上主於肺。潮熱在日晡。由血中之火。寔下主于腎。察其在氣在血。有汗無汗。咸佐以柴胡。丹皮地骨皮。大寔更加大黃下之。得其治矣。危言曰。膽者澹也。清淨之府。無所受輸。澹澹然者。

也。士材曰：膽者，擔也。中正之官，決斷出焉。猶人之正直無私，有力。量善擔當者也。二家釋膽字，俱有義理，耐人尋味。

膽病症治 子和曰：膽者，敢也。驚怕則胆傷矣。又曰：面青脫色，膽腑受怖也。入門曰：膽候咽門，故熱壅則生瘡腫痛。又曰：胆病多寒熱。又曰：膽虛則恐畏，不能獨卧。寔則易怒。又曰：胆虛則不卧。胆寔則多睡。又曰：小柴胡湯，乃少陽經之藥，水煎澄清溫服，則能入胆。

膽絕候 靈樞曰：膽絕者，耳聾，百節皆縱，目直視如驚，絕系絕系者，一日半日死，其死也，色先青，白乃死矣。脉經曰：胆絕七日死，何以知之，眉爲之傾。

治膽病諸藥要品及方十

膽寔宜用和解

柴胡 天冬 黃芩 半夏 生地 生薑 甘草 陳皮

胆病源流

胆病方

卷計

八

荷皮 知母 山萸 白蒺藜 龍胆草 丹

胆虛宜補胆氣

人參 當歸 甘草 竹茹 竹葉 穀精
草 决明子 白芍 棗仁 陳皮 木賊
草 茯神

半夏湯

胆寔 生地 棗仁各五錢 半夏 生姜各
三錢 遠志 赤苓各二錢 黃芩一錢 黍
米二合 長流水煎澄清服

十味導赤散

此方專治胆經是熱煩悶
茯神 地骨皮 黃連 黃芩 麥冬 半夏
赤芍 木通 生地 甘草各五分

當歸龍薈元

此方能治胆熱兼治心藏是熱煩渴驚悸口瘡
又龍胆草 當歸 山梔 黃連 黃柏
黃芩各一兩 大黃 蘆薈 青黛各五錢
木香二錢半 麝香五分 蜜丸

瀉青丸

此方專治肝胆是熱脇痛
又龍胆草 當歸 川芎 山梔 大黃包
又羌活 防風 等分蜜丸芥子太每一丸
竹葉湯同砂糖溫水化下

清肝涼胆湯

此方治胆寔
又白芍一錢半 川芎 當歸各一錢 柴
胡八分 山梔 丹皮 龍胆草各四分

此方專治肝血虛胆汁少有怒火

仁熟散

胆虛 柏子仁 熟地各一錢 人參 五味子 枳壳 山萸 肉桂 甘菊 茯神 枳

加味温胆湯

此方專治胆虛恐畏不能獨卧
又 香附二錢四分 橘紅一錢二分 半夏 枳寔 竹茹各八分 人參 茯苓 柴胡 麥冬 桔梗各六分 甘草四分 姜三

棗二 一名參胡温胆湯
此方專治心胆虛怯綱事易驚涎與氣搏變生諸症

加減温胆湯

又 茯神 半夏 枳寔 陳皮 山梔 白朮 黃連 麥冬各一錢 當歸 桑仁 竹茹各八分 人參六分 甘草三分 姜三 棗二 烏梅一个 水煎和竹瀝半盞調朱砂末五分服

琥珀定志丸

此方專治胆虛驚疑如人將捕神不守舍
又 南星八兩先掘地作坑置炭十斤燒紅去灰淨好酒十餘斤傾坑內瓦盆盛南星安其中蓋覆以炭火攤定勿令泄氣次日取出為末人乳粉姜製 人參 茯苓 茯神各三兩 塊朱砂納公猪心內線扎懸砂罐中入好酒二碗煮 菖蒲猪胆汁炒 遠志肉猪胆汁拌

胆病方

卷十

乾

炒再用姜汁製各二兩 西珀一兩 蜜丸卧時服姜湯下

此方專能抗肝壯胆管轄神魂治一切驚戰虛弱氣乏之疾

十四友元

刈龍齒另研二兩 熟地 棗仁 茯苓
茯神 人參 肉桂 遠志 阿膠 當歸

黃芪 柏子仁 紫石英煨另研各一兩 朱砂五錢 蜜丸棗湯下

此方能補心肝虛神志不甯

附載仲景分別標本方藥

標柴胡

標之本 柴胡葛根湯

本花粉

本之本 大柴胡湯

肝病源流

肥氣

肚脇肋痛

腋臭漏腋

沈金鰲撰

足厥陰肝經脈起于大指叢毛之際上循足趺上廉去內
 踝一寸上踝八寸交出太陰之後上膈內廉循股陰上毛
 中過陰器抵小腹挾胃到肝絡胆上貫膈布臍循喉嚨之
 後上入頤頰連目系上出額與督脈會于巔其支者從目
 系下頰裏環唇內其支者復從肝別貫膈上注肺次仍還
 注手太陰肺經每日丑時周身氣血俱注于肝足厥
 陰肝經少
 氣而多血

肝於五臟為獨使為將軍之官合少陽胆為游部居脾之下腎之
 前微偏左其位在少腹其地在血海其部在兩脇兩肱其經起於
 足指通于巔頂其臟為太少二陰之交盡處其表為少陽胆故一
 陽發生之氣起于厥陰而一身上下其氣無所不乘肝和則生氣
 發育萬物為諸臟之生化若衰與亢則能為諸臟之殘賊故又與
 胆同為少陽而厥陰兼乎少陽之肝與少陽根乎厥陰之胆相為
 表裏是以其臟主春其德屬木惟其地為血海故其藏為血藏其

肝病源流

部爲血部。而其職主藏血而攝血。其主又在筋。能任筋骨勞役之事。爲罷極之本。其精上榮于目。而兼通于耳。惟其德屬木。故其體本柔而剛直而升。以應乎春。其性條達而不可鬱。其氣偏于急而激暴易怒。故其爲病也多逆。逆則頭痛耳聾。頰腫目瞑。兩脇下痛。引少腹。善怒善癢。四肢滿悶。虛則目無見。耳不聰。善恐。如人將捕之。經病則腰痛不可俛仰。丈夫疝瘻。婦人少腹腫。甚則嗑乾面塵。色脫遺溺瘳閉。其鬱與勝必侵及乎脾。脾受木邪則胸滿嘔逆。殭泄。總而計之。其爲寒熱虛是邪氣侵尅。本經自病。與經氣相加。種種諸症。其由肝之不足者。固可勿論。卽屬有餘。亦由肝之陰不足。故有鬱勝所生病也。夫肝氣之逆。因肝志之鬱。然雖鬱不可用攻伐。經故曰。以辛散之。以辛補之也。肝火之寔。因肝血之虛。然旣虛則不得廢滋養。經故曰。以酸收之。以甘緩之也。然則肝無補法。一

語不且遺千古之禍哉。至若陰邪犯入必陰厥。陰厥宜溫。是補肝之氣也。陰虛不榮必陽厥。陽厥宜清。是涼肝之血也。氣則溫補血則清涼。尙何有肝木之病哉。薛氏清肝火補肝血兩言。洵足爲醫林炯鑑。

肝病原由症治 靈樞曰。有所墜墮。惡血留內。有所大怒。氣上不下。積于脇下。則傷肝。又曰。邪在肝。則兩腋中痛。惡中惡血在內。又曰。肝藏血。血舍魂。肝氣虛則恐。寔則怒。內經曰。肝病者。兩腋下痛。引少腹。令人善怒。又曰。肺傳之肝。病名肝痺。一名厥。脇痛出食。肝熱者。色蒼而爪枯。又曰。大骨枯。大肉陷。胸中氣滿。腹內痛。心中不快。肩聳身熱。肉脫。目眦陷。真臟見。目不見人。立死。其見人者。至其所不勝之時死。註云。不勝之時。庚辛月也。又曰。肝藏血。血有餘則怒。不足則恐。又曰。肝病者。平朝慧。下晡甚。

夜半靜。又曰。肝苦急。急食甘以緩之。註云。肝苦急。是其氣有餘也。又曰。肝欲散。急食辛以散之。又曰。肝病忌當風。難經曰。外症面紫而青。善怒。內症臍左有動氣。按之牢若痛。其症四肢滿閉。脉濇。便難。轉筋。有是者。肝也。無是者。非也。入門曰。人動則血運于諸經。靜則血歸于肝臟。肝主血海故也。

肝絕候。靈樞曰。足厥陰氣絕則筋絕。厥陰者。肝脉也。肝者。筋之合也。筋者。聚于陰器而絡于舌本也。故脉不榮則筋急。筋急則引舌與卵。故唇青舌卷。卵縮則筋先死。庚日篤。辛日死。又曰。厥陰絕者。中熱。噤乾。心煩。善尿。甚則舌卷。卵縮而終矣。仲景曰。唇吻反青。四肢伸縮。汗出者。肝絕也。脉經曰。脉絕八日死。何以知之。面青。但欲伏眠。目不見。汗如水不止。

肝氣滯澁保養法。保生秘要曰。凡人氣旺則血榮而潤澤。氣

絕則血枯而滅形。故氣虛弱滯澁而成病。如滯于肝。則肝氣不順。或拗脇而疼。或成疸症。或傳目疾。或成瘋患。諸風掉眩。皆屬于肝也。春月木旺。宜常噓吸爲補瀉之法。和其肝氣。勿食諸肝。以免死氣入肝。傷其魂也。宜燒蒼朮香。清晨飲屠蘇酒。馬齒莧。以祛一年不正之氣。大抵陽春初升。景物融和。當眺覽園林。尋春郊外。以暢春生之氣。

肝臟修養法 養生書曰。常以正二三月朔旦。東面平坐。叩齒。

三通。吸震宮青氣入口。九吞之。閉氣九十息。

導引法 臞仙曰。可正坐。以兩手相重按膝下。徐緩身左右各三五度。又可正坐。兩手拽相叉。翻覆向胸三五度。此能去肝家積聚風邪毒氣。

肝之積曰肥氣。在左脇下。狀如覆杯。有足似龜形。久則發咳嘔逆。

脉必弦而細。宜肥氣丸增損五積丸皆肝家氣血兩虛。肝氣不和。逆氣與痰血相併而成。治法宜和肝散結。

脉法 綱目曰：肝有積，其脉弦長。

肱脇肋痛，肝經病也。蓋肝與胆二經之脉，布脇肋。肝火盛，木氣寔，故流於肱脇肋間而作痛。凡人肩下曰膊，膊下曰臑，臑對腋，腋下為肱。肱下為脅，脅後為肋。肋下為季肋，俗名肋梢。季肋之下為腰部分。如此，今肱脇肋痛，固由于肝邪之達，而所謂肝邪者，不越氣血。食痰風寒五端，試先言五者之由。再詳症之所屬。一曰氣鬱，由大怒氣逆，或謀慮不決，皆令肝火動甚，以致肱脇肋痛。宜沉香降煮散枳壳散桂枝湯。小龍薈丸一曰死血，由惡血停留于肝，居於脇下，以致肱脇肋痛。宜小柴胡湯合四物湯加桃仁紅花乳香沒藥或桃仁承氣湯復元活血湯一曰痰飲，由痰飲流注于厥陰之經，以致肱脇肋痛。痛則咳嗽氣急。宜

丹加南星川芎蒼朮再用二陳湯煎水吞下又芎夏湯調中順氣丸一日食積由食停脇下有一

條扛起以致脘脇肋痛宜神保元以枳寔湯一日風寒由外感風

寒之邪留着脇下以致脘脇肋痛宜芎葛湯小柴胡湯加枳壳桔梗此五者皆足

致痛而惟怒氣瘀血居多也治法先分左右再審虛實大約左痛

多留血或大怒傷陰或跌撲鬪毆傷血致死血阻滯或肋下有塊

皆作痛右痛為肝邪入肺惱怒鬱結不伸是為氣痛痰痛亦在右

走注痛而有聲食痛亦在右即前所云一條扛起者是此以左右

分氣血也故左屬血痰氣亦有流於左者然必與血相搏而痛不

似右脇之痛無關於血也右屬氣亦有血適瘀于右而痛者然必

與氣相阻而後痛不似左脇之痛無關於氣也如是則左痛不專

屬血右痛不專屬氣氣血將安辨哉蓋瘀血按之痛不按亦痛痛

無時息而不膨氣痛時止而膨噉即寬旋復痛以此辨驗氣血更

肝 脘脇肋痛

快。至胛脇肋地分。本近一處。故其為痛。亦不必細分何部。只以脇痛概之。而脇之痛。要即俗名肝氣痛。由肝家邪寔所致。非胛脇肋之自生痛。而自作痛也。故不入于身形門中。與腰腹等並列。而特附于肝也。試更論之。脇痛多半是寔。不得輕于補肝。能令肝脹也。治寔大忌柴胡。若川芎則必用。暴怒傷血。必和血。宜當歸香附。山梔甘草。血阻滯。必日輕。夜重。午後發熱。脉短。瀝當去瘀。宜桃仁紅花沒藥。香附赤芍苡仁根。有塊必消塊。宜杜蠟。以上左病氣痛。須調氣。宜和。有痰須導痰。宜蒼朮。夏白芥食積當消導。宜砂仁枳寔。黃連吳萸。以上右病。此氣血食痰分見于子。陳皮。左右者也。若風寒則不論左右皆有。稔知外感之邪。必表散。宜川芎葛根。桂枝。有兩邊俱痛者。則于前藥加減。泰用。痛甚加醋少許。此皆防風。治寔之法也。亦有痛時目瞢。眩無見耳無聞。善恐如人將捕之者。其脉必虛。切不可作寔治。須看大便。大便通和咳嗽。肝火侮肺金。

也。宜小柴胡湯若連胸腹脹痛大便不通為瘀血停滯須先通之。

加山萸橘葉若連胸腹脹痛大便不通為瘀血停滯須先通之。
宜歸尾紅花香附延隨即用補益。宜參用歸脾湯又或酒色過度

當脇一點痛不止各乾脇痛甚危惟大補氣血而已。宜補此皆治

虛之法也。而又有左痛由肝寔火盛者。宜枳壳左痛不移處由死

血菟結者。宜桃仁右痛由痰積氣滯兼有者。宜推右痛而氣喘者

宜分氣右痛由怒氣所傷者。宜香右痛由痞塞者。宜沉香跌撲肋

痛由氣血凝滯者。宜復元右痛由悲傷肺氣者。宜推脇痛由受暑

皮黃發泡者。宜大瓜葉散或兼枳壳為脇痛此皆挾有五邪分

由傷寒身體微熱者。宜枳壳散此皆挾有五邪分

見左右一切零星之病之治法也。至于肋稍之部在肝下胆之位

若甚痛牽連小腹亦是死血不外祛脇肋痛治瘀血方藥痛不甚

止于一處痰也亦不外祛脇肋痛治痰方藥。宜二陳湯加柴胡

脈法 內經曰肝脈搏堅而長。色不青。當病墮。若搏。因血在脇。下令人喘逆。仲景曰寸口脈弦者。即脇下拘急而痛。其人嗇。嗇惡寒也。正傳曰脈雙弦者。肝氣有餘。兩脇作痛。又曰肝脈沉之而急。浮之亦然。若脇下痛。有氣支滿。引小腹而痛。時小便難。若目眩頭痛。腰背痛。得之少時有所墜墮。丹溪曰氣鬱胸脇痛。看其沉澹。當作鬱治也。

腎邪上薄脇痛 入門曰一人患脇痛。衆以爲癰。陽脈弦。陰脈澹。投諸香姜桂之屬。益甚。項昕見之曰弦者痛也。澹者腎邪有餘也。腎上薄于脇。不能下。且腎惡燥。今服燥藥過多。非瀉不愈。先用神保元。下黑溲。痛止。更服神芎丸。或疑其太過。昕曰向用神保元者。腎邪透膜。非全竭不能引導。然巴豆性熱。非得硝黃盪滌。後遇熱必再作。乃大泄數次。遂愈。

脘脇肋痛症治 丹溪曰肝苦急是其氣有餘急食辛以散之

宜用川芎蒼朮青皮又曰肝火盛兩脇痛不得伸舒先以琥珀

膏貼患處却以生姜湯吞下蜜丸當歸龍薈丸最妙此藥丸乃

治脇痛又曰龍薈丸亦治飲食大飽勞力行房脇痛乃瀉肝火

之要藥也又曰咳引脇痛宜疏肝氣用青皮枳殼香附白芥子

之類兩脇走痛可用控涎丹 正傳曰凡脇痛皆肝木有餘小

柴胡湯加青皮川芎芍藥龍胆草甚者入青黛麝香調服又曰

性急多怒之人時常腹脇作痛小柴胡湯加川芎芍藥青皮吞

下龍薈丸甚捷 入門曰肝熱鬱則脇必痛又曰發寒熱脇痛

似有積塊必是飲食太飽勞力所致須用當歸龍薈丸治之又

曰肝氣寔脇痛者手足煩躁不得安卧小柴胡湯加川芎白芍

當歸蒼朮青皮龍胆草肝氣虛脇痛者悠悠不止耳目眈眈善

恐四物湯加柴胡青皮兩脇下痛引小腹善怒是肝氣寔也當歸龍薈丸以姜汁吞下氣弱之人脇下痛脉弦細多從勞役怒氣得之八物湯加木香青皮肉桂煎服或用枳寔醫鑑曰凡脇痛者必用青皮而青皮必須醋炒煎服末服並佳蓋青皮乃肝胆二經之藥人多怒脇下有鬱積固宜用此以解之若二經氣血不足則當先補血少用青皮可也

腋臭漏腋皆先天濕鬱病也腋臭者穢氣從腋下出如狐狸膻臊令人不可相近俗因名狐臭患此疾者腋下必有毛空如針細卽出穢處耳內必有油濕治法于五更時先取精猪肉兩大片以甘蔗末一兩盡數拌之挾腋下天明以甘草一兩煎湯飲之良久瀉出穢物但此穢氣恐或傳人須于荒僻處出大便如此三五次卽當愈其他密陀僧胡粉之類皆塞竅以治其末耳

宜蜘蛛散

漏腋者腋

下或手掌足心陰下股裏常如汗濕之衣也。宜六二症因腋與臑
脇肋相連故附詳于此。

腋臭治法 丹溪曰治腋臭法用大田螺一个水中養之候厯
開以巴豆肉一粒針挑放在螺內仰頓蓋內夏月一宿冬則五
七宿自然成水取搽腋下絕根一方先用胭脂塗腋下其出狐
臭之處黃色就將前巴豆田螺去厯掩于狐臭之上絹帛扎緊
其狐臭從大便出則絕根矣 回春曰以自己小便洗一次米
泔洗一次生姜自然汁每日擦十次日日如此一月之後可以
斷矣。

治肝病諸藥要品及方五

肝寔宜清熱降氣

橘皮 青皮 黃連 黃芩 杜蘇子
柴胡 甘草 青黛 竹葉 赤芍藥

鬱金 香附 砂仁 木通 羚羊角
麥冬 童便 甘菊 荆芥 龍胆草

清肝湯

肝虛 白芍一錢半 當歸 川芎各一錢
柴胡八分 山梔 丹皮各四分
又 川芎 當歸 白芍 生地 防風 羌活 蜜丸

補肝丸

附載仲景大法及分別標本方藥

有餘則聚聚宜通氣

薄荷 荊芥 羌活 防風 芫荽 龍胆草 雄黃 皂莢 川芎 獨活 紅花 三稜 木香 鼈甲 鱉鱉 甲 蛭 虫 水蛭

不足則燥燥宜潤氣

吳萸 甘菊 杞子 天麻 柏子 仁 密 蒙花 子 當歸 川芎 牛膝 杜仲 兔絲 子 白芍 熟地 沒藥 血竭 細辛 槐角

風寔則泄

羌活 獨活 細辛 雄黃 大黃 牽牛子 皂莢 首烏

風虛則補

川烏 牛膝 姜蚕 川斷 南星 白花蛇 蟬退 天麻 杜仲 川芎 半夏 兔絲子 白木 草薺 土茯苓 白附子

風經則鎮真珠 金箔 銀箔 夜明沙 代赭石 石夾

一法木鬱則達之謂吐之令條達也

標初病為標 渴欲飲者少少與之則愈此雖在裏即是標也 囊縮四逆湯 吳茱萸湯

本須滿當歸脉沉滑脉力皆倍者當下之此即大小二便閉雖用承氣湯不若四物湯加大黃尤嘉 胸煩滿囊縮白

下不治自愈 厥陰本無下症大槩言傷寒傳入裏可下之

又一轉厥陰症標亦為初病 宜用熱 宜甘溫

無汗麻黃 蒼術 葱頭 旋覆花

有汗桂枝 白朮 地骨皮 黃芪

汗之而發麻黃

清涼為汗細辛

和之而汗柴胡

下之而汗大黃

吐之而汗 瓜蒂 防風

治肥氣方二

肥氣丸

總治 柴胡二兩 黃連七錢 川椒一兩
厚朴五錢 甘草二錢 廣皮 昆布 人參
各錢半 川烏錢二分 皂角 茯苓各一錢
六分 乾姜 巴霜各五分 春夏再加黃連
五錢 丸法服法同息賁丸

增損五積丸

又 黃連 厚朴 川烏 乾姜 人參 茯苓
芩 柴胡 川椒 蓬朮 皂角 昆布 增
減法及分量詳在息賁條內

治臑脇肋痛方三十

沉香降氣散

氣鬱 姜黃 陳皮 甘草各一錢 煨山稜
煨蓬朮 益智仁 厚朴各七分 白朮
蘇葉 香附 神曲 麥芽 烏藥各五分
大腹皮 人參 訶子各二分半
此方端治氣滯脇肋刺痛胸膈痞塞

枳壳煮散

又 枳壳二錢 細辛 桔梗 川芎 防風
各一錢 葛根七分 甘草五分 姜三棗二
肝病方 肥氣方 臑脇肋痛方 卷十 十六

煎服
此方尚治悲哀傷肝兩脇痛又治七情傷肝兩
腋兩脇牽痛

枳壳散

又 枳壳兩二錢半 炙草三錢七分半 每
末二錢濃煎應白湯調下
此方尚治脇痛如有物刺之乃氣寔也

桂枝湯

又 小枳壳一兩 桂枝五錢 每末二錢姜
棗湯下
此方尚治驚傷肝脇骨裏疼痛

小龍薈丸

又 當歸 山梔 黃連 川芎 大黃 龍
胆草各五錢 蘆薈三錢 木香一錢 麝香
少許 粥丸姜湯下五七十丸仍以琥珀膏貼
患處

琥珀膏

外貼 大黃 朴硝各一兩 為末大蒜搗為
膏和勻作片貼之 一方加麝五分名硝黃膏
此方兼貼一切積塊痞塊

小柴胡湯

死血

四物湯

又 川芎 當歸 白芍 地黃

桃仁承氣湯

又 桃仁 大黃 芒硝 桂枝 甘草 加
鹽甲 青皮 柴胡 當歸 川芎

復元活血湯

又 甘草 柴胡 花粉 當歸 紅花 穿山甲
大黃 桃仁

十棗湯

痰飲 甘草 炒大戟 芫花微炒 等分爲
末別取大棗十枚水一盞煎半盞調下壯人一
錢弱人半錢大便利下以粥補之 此方有毒
不可輕用

控涎丹

又 甘遂 大戟 白芥子 等分糊丸臨臥
溫水下七丸至十九

二陳湯

又 茯苓 陳皮 半夏 甘草

芎夏湯

又 半夏 赤苓 各一錢 陳皮 青皮 枳
壳各五分 白朮 炙草各二分 姜五片

調中順氣丸

又 姜半夏 大腹子各一兩 木香 薤仁
青皮 陳皮 三稜各五錢 砂仁 尖楨
榔 沉香各二錢半 粥丸陳皮湯下

神保元

食積 全蝎全者七个 巴豆十粒 木香
胡椒各二錢半 朱砂一錢半爲衣 蒸餅丸
麻子大每五七丸枳寔湯下

當歸龍薈丸

又 當歸 龍胆草 山梔 黃連 黃柏
黃芩 各一兩 大黃 蘆薈 青黛各五錢

肝

助痛方

卷十

九

木香二錢半 麝香五分 蜜丸姜湯下二三

芎藭湯

風寒 川芎 葛根 桂枝 細辛 枳壳
人參 麻黃 芍藥 防風各一錢 甘草五
分 姜三片

和脇飲

氣痛 枳壳 青皮 姜黃 香附 甘草

歸脾湯

補益 人參 黃芪 當歸 白朮 茯神
酸仁 遠志 龍眼 木香 甘草 姜 棗

加味道遙散

又 白芍 白朮各錢二分 知母 當歸
地骨皮各一錢 茯苓 麥冬 生地各八分
山梔 黃柏各五分 桔梗 甘草各三分

補肝散

又 川芎 當歸 白芍 地黃 防風 羌
活 共為末

枳壳疎肝散

肝寔 枳壳 枳寔 川芎 柴胡 陳皮
香附 白芍 炙草

推氣湯

痰氣 姜黃 枳壳 肉桂 甘草 陳皮
青皮 木香 穿山甲

分氣紫蘇湯

氣喘 紫蘇 桑皮 桔梗 甘草 茯苓
陳皮 五味子 大腹皮 姜 鹽

香附湯

怒傷 香附 川芎 當歸 柴胡 青皮

沉香導氣散

痞塞 沉香 人參 檳榔 白木 烏藥
麥芽 神曲 紫蘇 厚朴 香附 姜黃

橘紅 甘草 紅花 三稜 蓬朮 益智
大腹皮 訶子皮

大瓜萐散

受暑 大瓜萐一個搗爛 加紅花少許 甘
草

枳壳散

微熱 枳壳 桔梗 細辛 川芎 防風
葛根 甘草

八物湯

怒勞

治腋臭漏腋方二

蛛蜘蛛散

腋臭 大蛛蜘蛛一個 鹽泥包煨紅放冷去泥
研細入輕粉一字醋調成膏文敷腋下明日登
廁必瀉下黑汁臭穢子僻處理之

六物散

漏腋 枸杞根 乾薔薇根 甘草各二兩
商陸根 胡椒 滑石各一兩 為末以苦酒
少許和塗當微汗出易衣更塗不過三着愈